

МЕСЯЦА СЕНТЯБРЯ В 24-й ДЕНЬ

Святѣя первомученицы
и равноапостольныя Феклы

ВѢЧЕР

На Господи, воззвах: стихирѣ на 6, глас 8.

Подобен: Господи, аще и на судищи:

Господи, аще и во оконца Фекла приводрузи́ся
Твоей любви, / но, разумно в высочайших пред-
стоящи Престолу Твоему, / удивля́шеся Твоему
несоудному благоле́пию, / явльшемуся человеко-
любно, // да спасеши ду́ши на́ша.

Господи, аще и учителю Фекла неволею уедини́ся, /
но спребыва́юща Тя имяше во время страда́ния, / и, об-
наже́на одея́ния, покрыва́шеся славою Твоею, / и, вен-
ча́вшись рукою Твоею, // предзащища́ет ду́ши на́ша.

Господи, аще и связа́ну Фекла апостолу притече́, /
но пристра́стия земныхъ у́зу отвѣрже / и крѣпости Твоея
верігою любве́ / Тебе́ крѣпко привяза́ся, // Спа́су душ
на́ших.

Господи, аще и огню предаде́ся / чистая и первому́-
ченица Твоя, / но не опали́ся в нем, прохладите́ля
иму́щи Тя, / и во зве́рех мно́гих неята́на пребы́сть, / рукою
Твоею храни́ма, // Спа́са душ на́ших.

Сла́ва, глас 6:

Страстоте́рпческими борѣнии врага́ попрала еси́, /
Фекло всеблаже́нная, / и, того́ ко́зни страда́льчески
сокруши́вши, / Фамира отбе́гла еси́ / и Христу́ уневести-
лася еси́, и́стинному Рачите́лю, / Па́влова собесѣднице /
и Стефа́ну сострада́льнице, / дерзнове́ние иму́щи, перво-
мученице Христо́ва в жена́х, / ве́рно соверша́ющих

всепразднственную пámять твою// от бед избáви моли́т-
вами твоими.

И ны́не, Богородичен.

Аще ли средá или́ пятóк, Крестобогородичен.

Подóбен: Все отлóжше:

Ору́жие, я́коже рече́ Симеон, / сёрдце Твое́ прóйде,
Пресвятáя Влады́чице, / егда́ узрела еси́ из Тебе́ воз-
сиявшаго / неизречённаго Сло́ва / от беззакóнных, я́ко
осуждена, / на Кресте́ возно́сима, / о́цта и жёлчи вку-
ша́ющая, / ре́бра же ископавáема, / рука́ми же и нога́ми
пригвожда́ема, / и рыда́нием крича́ла еси́, / вопи́ющи
ма́терски: // что сие́, Чадо́ сладкое, но́вое та́инство?

На стихóвне Окто́иха.

Сла́ва, святы́я, глас 8. Анато́лиево:

Львов стремле́ние попра́ла еси́ / и Фа́мира посра́мила
еси́, / первомучени́це многострада́льная, / последо-
вала еси́ Жениху́ Твоему́, зову́щи: / в воню́ мира Твоего́
притеко́х, Христе́. / Тем и Па́вла и́щущи, / с Небесе́ при-
я́ла еси́ дарова́ние, / и вене́ц уллучи́ла еси́ от Страсто-
поло́жника Бо́га, / и мо́лиши непреста́нно / дарова́ти
грехо́в прощэ́ние // véрою соверша́ющим свяще́нную
твою́ пámять.

И ны́не, Богородичен или́ Крестобогородичен.

Подóбен: О, пресла́внаго чудесе́:

Что зримо́е видэ́ние, / е́же Мойми очесы́ видится,
о Влады́ко? / Содержáй всю тварь, / на Дре́ве пове́-
шен был еси́ / и умерщвля́ешься, всем да́й жизнь, /
Богороди́ца пла́чущи глаго́лаше, / егда́ узре́ на Кресте́
вознесе́на / из Нея́ неизрече́нно возсиявшаго // Бо́га
и Челове́ка.

Тропа́рь, глас 4:

Словесéм Па́вловым научи́вшись, богоневéстная
Фéкло, / и véрою утверди́вшись от Петра́, богозвáн-
ная, / первомучени́ца яви́лася еси́ и первострада́льница
в жена́х, / возшла́ еси́ на пла́мень, я́ко на ме́сто благо-
цвету́щее, / зве́ри и юнцы́ устраши́шася тебе́, воору́жися
бо Крестомъ. / Тем моли́, всехва́льная, Христа́ Бо́га //
спасти́ся душа́м на́шим.

НА УТРЕНИ

Оба канона Октоиха, без мученичнов, и святыя канон на 6, егоже краегранесие: Первомученица божественно славится. Иоанна монаха. Глас 8.

Песнь 1

Ирмос: *Поим Господеви, / проведшему люди Своя сквозе Чермное море, // яко Един славно прославися.*

Глас языка не может / всеславных первомученицы поведати страдальчеств, / изнемогает бо к похвале достойней.

Преста мучителево суесловие прегордое, / на того бо жены / благочестно во Христе мужествоваша.

Глаголы неизреченными Евангельски огласившися / твоими, всеблаженне Павле, / Христу дева уневестися.

Богородичен: *Грозд Ты жизноточный, / всемирнаго точащ сладость спасения, / Дева, Христе, породй.*

Песнь 3

Ирмос: *Ты еси утверждение / притекающих к Тебе, Господи, / Ты еси свет омраченных, // и поет Ты дух мой.*

Оле любви твоея, паче ума, всечестная! / Имже о Христе Павлу привязалася еси, / соединившися духом.

Уязвити тя, славная, / уязвляющуюся желанием духовным, / мысль не возможна, земных наслаждение.

Всех отступльши плотских пристрастий, / беседами матерними не умягчилась еси, / страстотерпице всехвальная.

Богородичен: *Евы праматере Ты исправление была еси, / Начальника Жизни миру, / Богородице, рождши.*

Кондак, глас 8.

Подобен: Яко начатки:

Девства добротю просияла еси, / и мученичества венцем украсилася еси, / апостольству вверяешися, дево, яко преславная, / и огня убо пламень в росу преложила еси, / юнца же ярость молитвою твоею укротила еси, // яко первострадальная.

Таже седален, глас 8.

Подобен: Премудрости:

В мужество женство добродетельми преложивши любовию Христовою, / Божие жилище обоуду была еси, / страстей бо мрак пощением умаливши, / мученически

показáлася еси́ страдáния хвалá./ Тем и мíру, я́ко свети́ло, свети́ши сугу́бо,/ возсия́ючи лучи́ Духа, перво́мученице всехва́льная./ Моли́ Христа́ Бо́га прегрешéний оставлéние подáти/ чту́щим любóвию святую́ пáмять твою́.

Слáва, и ны́не, Богорóдичен:

Я́ко Дéву и еди́ну в жена́х,/ Тя, безсе́менно рóждшую Бо́га плóтию,/ вси ублажа́ем, рóди челове́чести:/ огонь бо всели́ся в Тебé Божества́,/ и, я́ко Младéнца, дойши Зижди́теля и Го́спода./ Тёмже, а́нгельский и челове́ческий род,/ досто́йно сла́вим всесвятóе Рождество́ Твоё́/ и соглáсно вопи́ем Ти:/ моли́ Христа́ Бо́га прегрешéний оставлéние дарова́ти/ досто́йно пою́щим сла́ву Твою́.

Крестобогорóдичен:

А́гнца и Па́стыря и Избáвителя/ А́гница зря́щи на Крестé,/ восклицáше, пла́чущи, и, го́рько рыда́ючи, вопия́ше:/ мир у́бо раду́ется, приéмляй Тобо́ю избавлéние,/ утробá же Моя́ горит, зря́щи Твоё́ распя́тие,/ е́же терпи́ши за милосéрдие мило́сти;/ долготерпéливе Го́споди, мило́сти бéздно и исто́чнице неисчерпа́емый,/ умилосéрдися и да́руй прегрешéний оставлéние/ véрою пою́щим Божéственныя Стра́сти Твоя́.

Песнь 4

Ирмо́с: Услы́шах, Го́споди,/ смотре́ния Твоего́ та́инства,/ разумéх дела́ Твоя́// и просла́вих Твоё́ Божество́.

Обруче́ную Фами́ру,/ невестово́дец Па́вел тя сочета́ Жениху́ Небéсному,/ я́ко непоро́чную, Фéкло всечестна́я.

Привéсилася еси́ любóвию благоче́стия, Па́вловыми словесы́,/ и Фами́ровы глаго́лы, я́ко буюсло́вие,/ мученице, укори́ла еси́.

Кроплéнием Божéственныя крóве/ ада́мский род благослови́ся:/ Е́ва раду́ется,/ видя́щи у́бо жена́ми льсти́ваго зми́я па́дающа.

Чистоту́ возлюбивши,/ вся крáсная жития́ отвéрже,/ богáтство, род, красоту́/ и сла́дости обру́чника, перво́мученица.

Богорóдичен: Богорóдицу Тя, Всечи́стая,/ просвещéннии, вси зна́ем:/ Со́лнце бо родила́ еси́ Пра́вды, Присноде́во.

Песнь 5

Ирмос: Утренююще, вопиём Ти:/ Гóсподи, спаси ны,/ Ты бо еси Бог наш, // разве Тебѣ, ино́го не ве́мы.

Претя́жким страда́нием на трі́знице подви́зала-ся еси́, / Фѣкло всеблаже́нная, / и по́чести удосто́илася еси́.

Скра́дися зми́й лука́вый, / де́ва бо Божѣственными Страстьми́ / послуша́нию науча́шеся.

Побежда́шеся стыде́ние твоѣ / Божѣственным дерзнове́нием: / огонь бо тя сердечный сущи́й Трѣицы разжже́.

Богородичен: Мари́е, Богородице Безневѣстная, / наде́жды враго́в осуети́ / и пою́щая Тя возвесели́.

Песнь 6

Ирмос: Моли́тву пролию́ ко Гóсподу / и Тому́ возвещу́ печа́ли моя́, / я́ко зол душа́ моя́ испо́лнися / и живо́т мой а́ду прибли́жися, / и молю́ся, я́ко Ио́на: // от тли, Бо́же, возведи́ мя.

Отрокови́ца естества́ сла́бость, / крѣпостию Креста́ укрепивши́ся, / ю́ношеское украше́ние Божѣственнойю любóвию отвѣргши, / но́щию бо дерзнѣ и потече́, / жела́емаго благово́нная ищущи́ учѣния.

Черто́гов преестѣственно невѣстных / самовольною измені́ любóвию / благосла́вная и первомученица Фѣкла, / е́же злодѣев обита́ти во узи́лици: / желáние бо Творца́ здáний побежда́ше желáния.

В ду́се облобыза́ше ўзы божѣственнаго учите́ля мученица, / в темни́це я́ко в божѣственном цветни́це напáяема словесы́, / и возраста́ше, и приноша́ше, / я́ко и́стинно Влады́ще, плод красне́йший.

Богородичен: Я́ко шипок, я́ко чистѣйший крин, / я́ко благово́нную воню́, Отрокови́це, / Творец, от красных удо́лий мирских Тя избра́в, / всели́ся во утробу Твою́ / и, роди́вся, благово́ния вся испо́лни.

Конда́к, глас 2.

Подобен: Вѣшних ища́:

Уязвивши твоѣ се́рдце, добродѣво, любóвию Христо́вою, / обру́чника вре́меннаго, я́ко небрего́ма, преобидела еси́ / и на огонь дерзну́ла еси́, / зверей же уста́ заградíла еси́ / и, спáсшися от них, прилежа́ше, Па́вла ищущи, // Фѣкло первострада́льная.

Икос:

От Пávла научившися пути истины,/ по немуже неуклѡнно шествовала еси, пречудная,/ и, твоих оставивши, яко странная,/ Странному последовала еси мужественным разумом и образом./ Тѣмже и Владыка ты жен страстотерпиц первострадальну показá в концѣх,/ в нихже общѣдши пребыла еси, Пávла ищущи,/ Фѣкло первострадальная.

Песнь 7

Ирмос: *От Иудѣи дошедше, ѡтроцы/ в Вавилѡне иногда/ верою Трѡическою пламень пѣщный попраша, поюще:// отцев Бѡже, благословѣн еси.*

Яко узнику, Пávлу привязáлася еси любовию,/ о всеблаженная, узами нерешимыми,/ верою соглашаючи благочестно и спѡючи:/ отцев наших Бѡже, благословѣн еси.

Спредстáла еси Пávлу пред судищи неправедными, о добродѣво!/ И желáнием Владычним вопияла еси во ужасе, студ отвѣргши:/ отцев наших Бѡже, благословѣн еси.

За любовь Божественную/ пѣщи тѣло, мученице, отдалá еси/ и Желáемаго пребыла еси неопальна силой, вопиючи:/ отцев наших Бѡже, благословѣн еси.

Тученосный ѡблак, дождем и градом пламень погасив,/ праведно поपालяет неразумныя/ и спасáет песнопѡющую мученицу:/ отцев наших Бѡже, благословѣн еси.

Богорѡдичен: *Жезл была еси, Дѣво, из Иессеева корене, Преблаженная,/ Плод цветоносящий спасения/ верою Сыну Твоему зовущим:/ отцев наших Бѡже, благословѣн еси.*

Песнь 8

Ирмос: *Царя Небеснаго,/ Егѡже поют вои ангельстии,// хвалите и превозносите Егѡ во вѣки.*

Странноявлѣнен твой пѡмысл,/ во гроб бо, яко во Едем, дѣво, вселилася еси, мученице,/ поючи Христа во вѣки.

Помрачитися благолѣпию дѣвства свѣтлости не терпящи, твоея доброты,/ умрѣти избѡлила еси и жити во вѣки.

Животворящему и преестѣственному сочетавшися Христу́,/ первомученице, Жениху́,/ зѣри избóлила еси́ бѣти хранители дѣвства.

Совлѣкши твою́ тлѣния одѣжду,/ благоодѣждна Христо́ва стадиотѣчница,/ прешла́ еси́ к нестарѣющей жи́зни во вѣки.

Богорóдичен: Преестѣственно Содѣтеля и Спáса,/ Бóга Сло́ва, родила́ еси́, Дѣво./ Тем Тя чтим, Чíстая, во вѣки.

Песнь 9

Ирмо́с: *Тя, Неискусобра́чную Ма́терь Бóга Вѣшнѣяго,/ Тя, пáче ума́ рóждшую слóвом войсти́ну Бóга,/ вѣшшую пречíстых Сил,// немóлчными славословлѣнии велича́ем.*

Кто твоему́ непобѣдному, о первомученице, не подивѣтся?/ Зѣри бо мýсленныя, стра́сти душѣ, укрóтивши,/ и неударжаннѣх зверѣных стремлѣний не убо́ялася еси́,/ но пребыла́ еси́ посреде́ сих нарастлѣма.

Непроходный твѣрдый Бóжиим повелѣнием разсе́деся тебе́ ка́мень,/ богоно́сней мученице,/ ба́нею возрождѣния запечатствованну Божѣственную невѣсту,/ я́ко черто́г, бежа́щу внутрь прѣят.

Исцели́, первомученице, я́звы душѣ моея́,/ мѣру мир пода́ждь,/ вѣрному вóинству на́шему на ва́рвары врагѣ побѣдная даю́щи/ и мир Цѣрквам твоѣими моли́твами.

Богорóдичен: Тебе́, Пресла́вную и Всесвяту́ю Богорóдицу,/ вси вѣрнии, сла́вим немóлчными пѣсньми/ и поѣм, я́ко рóждшую Гóспода всех,/ на спасѣние пою́щих Тя.

Светѣлен:

Жен сла́ву, наста́вницу страда́льцев,/ отвѣрзшую всем мучѣния путѣ,/ равноапóстольную Фѣклу и перво-страда́льную благопохва́лим.

Богорóдичен:

Крѣпким Твоѣм кро́вом от навета́ враго́в, Чíстая,/ Твоѣ рабы́, сохрани́ ны вся невредны́,/ Тя бо стяжа́хом еди́ну прибѣжище в ну́ждах.

На хвалитех стихѣры на 4, глас 2. Анатóлия:

Невѣстника иму́щи на Небесѣх, Христа́ Бóга,/ жениха́ же небрегла́ еси́ привре́меннаго и обру́чника,/ Фѣкло

первострадальная, / матерним бо ласканием разумно
не повинувшись, / Павлу последовала еси, / на рамена
вземши знамение Креста, / и огня убо не утрашилася
еси, / зверей же сверепство в кротость преложила еси. /
Фоки умертвила еси, еже о Христе погружением
святаго Крещения. / Но, яко во страданиях доблест-
венне божественно возсиявшая, / не остави, молящися
непрестанно Господу // о верою совершающих всече-
стную твою память.

Возложивши себе всеильному мановению, / укреп-
ляема, яко первомученица Христова, / оставивши зем-
ную любовь, / одевалася еси во свет вечныя жизни, /
в блаженный сущи чертог, в немже жен стада почи-
вают, / вход обретши вечныя жизни. // С нимиже молися,
равноапостольная Фекло, о душах наших.

Глас 4:

Лик составите, мучениколюбцы, / подвигов бо настá
время / и первомученицы летняя память, / вся на славос-
ловие поущающая Божие. / Фекла бо, первая мученица
в женах, / страдальное поприще совершивши, / первая
и венценосица явися, // со дерзновением молящися о
душах наших.

Твое паче человека страдание, / первомученице
Христова, / не человечестии точно удивися народи, /
но и зверие ужасошася сверепии, / пламени не пла-
мени вменишася тебе, / добродее Фекло, / твоего ради
Жениха Христа. / Радовалася еси убо, Того ради страж-
души / и мира отлучаема, / да Небеснаго получиши бла-
женства, // со дерзновением молящися о душах наших.

Слава, глас 1. Анатолия:

Страдальческий подвиг днесь предлежит, / людие,
ликовствуим / и в нем совершаемая и преславныя
вещи узрим, / нескверная бо агница предлежит заколе-
нию, / по заклавшемся о нас Христе Боже, / добродее
Фекла и богоневестная. / Темже трoическою верою
мучителей разруши безбожие / и, со Ангелы ликовст-
вующи, Спасу молится // спастися душам нашим.

И ныне, Богородичен или Крестобогородичен.

Подобен: Всехвальнии мученицы:

Оружие пройде, о Сыне, Дева глаголаше, / на Древе
яко узре Христа висяща, Моё сердце / и терзает,

Владыко, якоже древле Симеон Мне предрече, / но востани и спрослави, Безсмертне, // Матерь и Рабу Твою, молюся.

На стиховне Октоиха.

Слава, мученицы, глас 2. Анатолия:

Приидите, мучениколюбцы, / жен похвалу, первомученицу Феклу, в песнях почтим, / та бо супостата врага силою крестною попрá / и, победу вземши, достойно венчася. / Тем молится многострадальная, / еже избавитися бед и будущего суда // верою и любовью совершающим память ея.

И ныне, Богородичен или Крестобогородичен.

Подобен: Егда от Древа:

Болѣзни претерпѣла еси многия / в распятии Сына и Бога Твоего, Пречистая, / стелѣщи, слезѣщи и восклицѣющыи: / увѣ мне, Чáдо сладчѣйшее, / неправедно како страждешы, / хотя избавити сущия из Адама земнородныя? / Тем, Всечистая Дѣво, Тя молим верою: // милостива нам Того соделай.

НА ЛИТУРГИИ

Блаженны Октоиха, на 4, и святѣя песнь 3-я, на 4. Прокимен, глас 4: Дивен Бог во святых Своих, // Бог Израилев. Стих: В церквах благословите Бога: Апостол к Тимофею, зачало 296. Аллилуия, глас 1: Терпя, потерпѣх Господа, и внят ми. Евангелие от Матфея, зачало 104. Причѣстен: Радуйтеся, праведнии, о Господе:

Святая равноапостольная первомученица Фекла (I в.) родилась в городе Иконии. Она была дочерью знатных и богатых родителей и отличалась необыкновенной красотой; в возрасте 18 лет она была обручена знатному юноше и собиралась выйти замуж.

В это время святая Фекла впервые услышала проповедь о Христе Спасителе из уст святого апостола Павла во время посещения святыми апостолами Павлом и Варнавой города Иконии и пребывания их в доме святого Онисифора. Глубоко восприняв слова апостола, святая Фекла всем сердцем возлюбила Господа Иисуса Христа и твердо решила пребыть в

безбрачии и посвятить всю свою жизнь евангельской проповеди. Бывший жених святой Феклы жаловался правителю на апостола Павла, обвиняя его в том, что он отвратил от него невесту. В этом недовольстве поддерживала его и мать святой Феклы. Тогда правитель заключил апостола Павла в темницу. Узнав об этом, святая Фекла убежала ночью из своего дома, пришла к тюрьме и, подкупив сторожа, проникла в темницу к апостолу. Там она и осталась, сидя у ног его и слушающая его слова.

Между тем в доме Феклы началось великое волнение, когда обнаружилось ее отсутствие. Наконец слуги нашли ее в тюрьме и насильно

привели домой. После этого апостол Павел был судим и приговорен к избиению и изгнанию из города, а святую Феклу опять долго убеждали согласиться на брак, но она осталась непоколебимой. Ни слезы матери, ни ее гнев, ни угрозы правителя не смогли отвести святую Феклу от горевшей в сердце ее любви к Небесному Жениху — Господу Иисусу Христу. Наконец по настоянию родной матери, в исступлении требовавшей от судьи смертного приговора для непокорной дочери, святая Фекла была приговорена к сожжению на костре.

Святая мученица бестрепетно взошла на костер и перекрестилась. В этот момент она увидела Христа Спасителя, воодушевлявшего ее на предстоящий подвиг, и исполнилась неизреченной радости. Высоко взвилось пламя костра и, окружив мученицу ореолом, не коснулось ее, затем грянул гром и пролился на землю сильный ливень с градом. Костер погас. Мучители в страхе разбежались, а святая Фекла невредимой сошла с костра и удалилась из города. Она не знала, где ей найти апостола Павла, но Господь послал ей навстречу юношу-христианина, который и указал ей местопребывание апостола.

Апостол Павел и его спутники укрывались в пещере недалеко от города и там усердно молились, чтобы Господь укрепил святую Феклу в ее страданиях за Христа. Присоединившись к ним, святая пришла в город

Антиохию. Там она подверглась преследованию со стороны сановника Александра, пленившегося красотой святой девы. Она решительно отвергла его предложение вступить с ним в брак, была привлечена к суду, как христианка, и осуждена на растерзание дикими зверями в цирке.

Два раза святую Феклу выводили на арену и выпускали на нее голодных зверей, но звери не трогали святую, покорно ложились у ее ног и лизали их. Подверженная и другим истязаниям святая мученица силою Божией также оставалась невредимой. Народ начал громко кричать: «Велик Бог христианский!» Правитель устранился и сам, так как понял, что святую мученицу хранит Всесильный Бог, Которому она служит. По его распоряжению святая Фекла была отпущена на свободу.

По благословиению апостола Павла святая Фекла поселилась в окрестностях Селевкии, где прожила долгие годы. Она не переставала проповедовать всем о Христе Иисусе, Спасителе мира, и молитвой своей исцеляла больных, которые в великом множестве к ней приходили. Многих язычников святая Фекла обратила к вере во Христа и заслужила за это от Церкви наименование «равноапостольная» и «первомученица». Дожив до глубокой старости и восторжествовав с помощью Божией над многими искушениями, которые ей посылались, святая Фекла предала свою святую душу Господу.



В
ТОЙЖЕ
ДЕНЬ

Преподобнаго отца нашего Никандра пустынножителя, Псковскаго чудотворца

НА МАЛЕЙ ВЕЧЕРНИ

На Господи, воззвах: стихирь, глас 1.

Подобен: Прехвальнии мученицы:

Богоблаженне Никандре,/ ты пустыня сокрыла есть,/ но горе Господь прослави,/ и отгуду чудесная соделаеши:/ на земли бо ти бывшу,/ слезными струями

врага потопил еси/ и ныне на Небесех, Христови пред-
стоя, // молися о чтущих тя.

Блаженне отче Никандре,/ ты тяготу дневную по-
несл еси,/ в пустыню вселився/ и полки бесовския
разгнав/ благодатию Святаго Духа,/ и ныне со свя-
тыми славы Божия наслаждаешься,/ Ему же моли-
ся,/ низпослатися нам, чтущим тя, // миру и велией
милости.

Преподобне отче Никандре,/ ты устрашишася бёсове/
и от человек отгнани быша/ молитвами твоими, все-
богате,/ и притекающим с верою/ здравие независто
всем подавши,/ Христови моляся/ умирити мир и спа-
сти нас, // празднующих святую твою память.

Слава, глас 2:

Приидите, празднлюбных собори,/ радостно похва-
лим похвалу спасения нашего,/ Никандра всеблажен-
наго,/ яко, в теле сый, безплотнаго врага победи/ и, со
земными живый, Небесныя благодати сподобися,/
будущее сказуя, яко настоящее,/ зане просветил есть
душевная очеса умным боговидением./ Сего ради, со-
шедшеся, любезно возопием ему, глаголюще:/ радуйся,
преподобне отче наш,/ рачителю безмолвия, пустын-
ный жителю,/ терпения бездна, столп крепости,/ при-
лежно молим тя/ низпослати нам твоими молитвами
грехов очищение // и велию милость.

И ныне, Богородичен, глас тойже:

Все упование мое на Тя возлагаю,/ Мати Божия, //
сохрани мя под кровом Твоим.

На стиховне стихиры, глас 2.

Подобен: Дóме Евфрафов:

Дом Духу Пресвятому/ себе предуготовав,/ препо-
добне Никандре,/ и во Христа верою утвердився, //
помози и нам противу козней диавольских.

Стих: Честна пред Господем // смерть преподобных
Его.

Дом, идеже есть икона/ преподобнаго Никандра,/ вер-
ным всем спасение/ и от недуг исцеление бывает //
верою приходящим.

Стих: Блажен муж, бояйся Господа, // в заповедех Его
восхощет зело.

Дом себе от пустыни постом и молитвою / на Небесех притяжал еси, / преподобне Никандре, отче наш, / сего ради молим тя, // да обрящем милость в День Судный.

Слава, глас 8:

Добродетельнаго жития твоего плоды, преподобне, / кто изчислити возможет от земнородных? / От юности бо Христови последовав / и в заповедех Его ходя день и ночь, / постом и молитвою, кротостию и незлобием, / в чистой совести Тому поработал еси / и ныне трудом твоим воздаяние / от руки Вседержителя богато восприял еси. / Сего ради молим тя, / всеблаженне Никандре, отче наш, // моли спастися душам нашим.

И ныне, Богородичен, глас тойже: Безневестная Дево:

Тропарь зри на велицей вечерни.

НА ВЕЛИЦЕЙ ВЕЧЕРНИ

На Господи, возвах: стихиры на 8, глас 6.

Подобен: Все отложше:

Все отвергнул еси мирское пристрастие / и, плоть свою преобидев, / Христа Единого возлюбил еси, / Ему же и последовав, / в пустыню вселился еси, преподобне, / идеже многа лета трудолюбне подвизаяся, / неослабно даже до смерти / поревновал еси житию святых отец, / с нимиже ныне ликующи на Небесех, / предстоя Христови в неизглаголанней радости, // Его же со дерзновением моли о душах наших.

Все возложив на Небесех упование / и тамо сокровище некрадомое себе сокрыв, / земная вся расточил еси, / дом и сродство оставив, / легко потекл еси во след Христа, / взыскуя жителства вечнаго, еже и получил еси, / и ныне, преблаженне Никандре, / о чтущих достойно память твою со дерзновением молися, // во еже спастися нам.

Все желание устремив к Богу, / пустыню достигл еси, преподобне, / и, в ней водворився радостно, / со зверьми брался еси и бесы, / их же и победил еси мужественно, / яко Христос укрепил ты и славно показав чудотворца, / Никандре пребогате. / Тем же память твою любовию празднуем и верно молимся: // моли о душах наших.

Все претерпел еси плотское озлобление от летающих животных/ и не пощадил еси своей крове,/ в пустыне живый, всеблаженне,/ раны подъял еси от злонравных,/ вопия о них ко Господу:/ не постави им грехá сегó;/ и, всего себе истощив, преподобне Никáндре,/ подражал еси Христу́ Богу́ нашему,// Егóже со дерзновением моли́ о душа́х наших.

Слава, глас 5:

Стецемся ныне, о празднóлбцы,/ псалмы́ и пёсньми похва́лим преподóбнаго/ и, веселя́щися, воспоём, глаго́люще:/ ра́дуйся, тёплый помóщниче,/ Никáндре всеблаженне, пустынножителю,/ ра́дуйся, веселие наше духовное/ и исцелителю немощных чýствы,/ болящим готовое здравие,/ ныне же и нас, чад своих,/ пресвётло чтýщих пáмять твою́, не забúди,/ помина́я у Престо́ла всех Царя́ и Бо́га,// низпослáти душáм нашим мир и вéлию мýлость.

И ныне, Богорóдичен, глас тойже: В Чермнём мóри:

Та́же вход. Прокíмен дне.

И чтéния три преподóбническая.

Премýдрости Соломо́новы чтéние: Пра́ведных дýши в руцé Бóжией: Премýдрости Соломо́новы чтéние: Пра́ведницы во вéки живýт: Премýдрости Соломо́новы чтéние: Пра́ведник áще пости́гнет скончáтися: (*зри страницы 272–273*).

На литíи стихíры, глас 3:

Ны́не настá день свётлаго весéлия,/ испóлнен торже́ства́ духо́внаго,/ я́ко Всецари́ца и Ма́ти Бóжия благоизво́ли хранíти/ и покрывáти во хра́ме Своём/ благода́тию Сы́на Своего́ и Бо́га/ о́браз уго́дника Своего́,/ от негóже сла́дкое благово́ние даётся вёрным/ и струя́ незави́стна истекáет исцелéний боля́щим./ Тёмже и мы, ра́дующеся, зовём:/ предвари́ избáвити нас от вся́ких бед,// преподóбне Никáндре, óтче наш.

Весели́ся, пусты́ня непло́дствующая иногда́,/ ны́не бо нам плод ра́дости от тебе́ прозябе́,/ и воня́ благода́ти Бóжия мироухáет,/ ея́же наслажда́ющися, Христа́ славосло́вим,/ Ё́же естество́ наше мýлостивно призре́,/

яко прослави прославляющаго Егó,/ преподóбнаго
отца́ нашего Никáндра,/ славою непристúпнаго свѣта
на Небесéх/ и на землѣ чудес дѣйством обогатѣ./ Сего
ради и зовём ему́ непрестáнно:// моли́, мо́лим тя,
спастѣся душáм нашим.

**Приидѣте, вси лю́дие,/ похва́лим похвалу́ спасенія
нашего,/ Никáндра преподóбнаго,/ жителя пусты́ннаго
и Небеснаго граждани́на,/ ему́же похваля́ему, весе-
лится вѣрных сослóвие:/ сей бо во́ин явѣся непобедѣм
войстину,/ мýжественно во́инствовав Царéви Сýлам,/
ополчáясь постóм и мо́литвами и вся́ким духо́вным
воздержáнием во вре́менной жѣзни./ И та́ко победѣ
преслáвно протѣвника, мысленнаго Амалѣика,/ и в
радо́сть Господню́ с побѣдным венце́м вни́де,/ приѣмля
за труд от руки́ Вседержителя́ воздая́ние мно́го,// Егóже
и мо́лит о душáх наших.**

**Кто не воспоёт или́ кто не просла́вит тя,/ преподóбне
Никáндре, óтче наш,/ зря́ многоцелѣбную ико́ну
твою́,/ ю́же окружа́ют невидимо́ Ангели/ и дѣйствуют
о Бóзе, мо́литвами тво́ими,/ душáм нашим спасеніе
и телесэм здра́вие?/ На землѣ бо ти ещё́ живу́ сýщу,/
стра́сти плотскія́ до конца́ победѣл еси́./ Удивѣшася
пóдвигу тво́ему́ Небеснии́ чѣни,/ видевше́ тя, во плóти
сýща, безплóтныя врагѣ́ победѣвша,/ плоть же и земна́я
вся вменѣвша́ яко́ не сýща./ Сего́ ради́ ны́не Небес-
ная́ благáя вся́ наслѣдовал еси́/ и со свѣты́ми все́ми
радуешися́ во сла́ве Христа́ Бóга нашего́,/ Ему́же при-
ле́жно помо́лися, мо́лимся, и о нас,/ досто́йно чту́щих
святу́ю па́мять твою́,// во е́же спастѣся душáм нашим.**

Сла́ва, глас 5:

**Ра́дуйся ны́не, мона́шеское досто́яние/ и все христо-
именѣ́тое мно́жество,/ день преста́вленія отца́ нашего́
свѣтло почтѣ́м:/ днесь бо конéц пóдвига́ своего́ вос-
прия́т непобедѣ́мый/ и радо́стно вни́де в со́нмы пра́-
ведных,/ с ними́же веселя́ся, Христо́ви предсто́ит,/
одѣян во сла́ву вѣчны́я радо́сти./ Тѣмже́ и мы, к ико́не
егó припа́дающе, со слезáми возопи́ем:/ застúпниче
наш, Никáндре всебогáте,/ непрестáнно мо́лися о нас,/
во е́же спастѣся невредным от вся́каго зла// вѣрою
чту́щим всечестну́ю па́мять твою́, преподóбне.**

И ны́не, Богородичен, глас то́йже: Хра́м и дверь еси́:

На стихóвне стихиры, глас 5.

Подóбен: Рáдуйся:

Рáдуйся, преподóбне óтче,/ Никáндре премúдре,/ ты бо непобедím явйлся есй рáтник/ протíву бесóвскаго ополчéния,/ крéпко бо препоясався в живонóсную мёртвость/ и крестное ору́жие в сёрдцы своём стяжáв,/ убил есй мýсленнаго Копронíма мечём véры,/ и от пустыни, я́ко со́лнце, лучй испущáеши,/ и озаря́еши сёрдцá véрою чтúщих тя,/ и от всех зол изымáеши преслáвно./ Тёмже лобызáюще святúю твою́ икóну,/ любéзно мо́лим,/ низпослáтися мо́литвами твоими, свя́те,/ мýру спасéнию// и душáм нáшим véлией мýлости.

Стих: Честнá пред Гóсподем// смерть преподóбных Егó.

Рáдуйся, желáтелю в́шних,/ пусты́нный жíteлю,/ ýже, трудолю́бно подвизáвся,/ маловре́менное жити́е до концá возненав́дел есй/ и до́лу влеку́щим отню́дь не поработáл есй,/ ревнýя от ю́ности жити́ю Гóсподеви благоугоди́вших/ и путь непостоя́ннаго мóря добродéтельно преплы́вших,/ легкó понёсл есй ýго Христóво,/ тем и Свята́го Дúха пречéстен дом показáлся есй./ И ны́не, преподóбне Никáндре,/ свéтло зряй Святу́ю Трóицу,/ моли́ избáвити нас от напáстей вся́ческих/ и от враг в́димых и нев́димых// и душáм нáшим дáти véлию мýлость.

Стих: Блажён муж, боя́йся Гóспода,// в за́поведех Егó восхóщет зело́.

Рáдуйся, Никáндре пребогáте,/ победíteлю вра́жиих сил,/ угóднице и дрúже Христóв ýскренний/ и мо́литвеннице наш непостýдный,/ пóстником похвалá и утверждéние,/ трудолю́бцем óбраз спасéнный,/ пусты́нником т́хое и немятэ́жное безмóлвие/ и всем прáведным весéлие,/ нам же, грéшным, спасéние,/ в бедáх пóмощь и заступлéние,/ прибéжище и покрóв стрáнным,/ здравие разл́чно боля́щим:/ тем мо́лися, мо́лимся,// душáм нáшим дáти мир и véлию мýлость.

Слáва, глас 7:

Рáдуются ны́не собóри мона́шествующих/ в пречестнём хра́ме Бóжия Мáтере,/ То́я бо мо́литвами и сýльным пóмощи́ем/ отцá себе притяжáхом/ и ны́не

ко образу его припадём, глаголюще:/ преподобне отче наш Никандре,/ потщися нас, чад своих, чисты представить Господеви,/ Егже со Пресвятою Богородицею вкупе и со всеми святыми прилежно моли, всеблаженне,/ православному народу нашему подати здравие и всем верным спасение,// очищение грехов и велию милость.

И ныне, Богородичен, глас тойже: Под кров Твой, Владычице:

Тропарь, глас 4:

Глас Божественный, иже во Евангелии, услышав,/ преподобне отче Никандре:/ приидите ко Мне, вси труждающиеся и обремененнии,/ и Аз упокою вы,/ и прием крест, последовал еси Христу,/ мир оставль, в пустыню вселился еси,/ пощением же и бдением Небесный дар восприим,/ и души недужных, приходящих к тебе с верою, исцеляеши:// темже и со Ангелы срадуется, преподобне, дух твой.

Ин тропарь, глас 6:

Светило незаходимого света/ стране нашей явился еси, богоблаженне,/ доблественне претерпев вражия озлобления,/ биение и раны яко одежда нетления вменишася тебе,/ со зверьми бо брався/ и от человек злых прободения прияв,/ о тех молился еси:/ не постави им греха сего, глаголя;/ темже Владыце Христу уподобился еси,/ достохвально Никандре, отче наш,// молися о душах наших.

НА УТРЕНИ

На Бог Господь: тропарь преподобнаго дважды. Слава, и ныне, Богородичен.

По 1-м стихословии седален, глас 4:

Глас Господень слышан тебе бысть, преподобне, в пустыню зовый,/ в нейже истинный покой обрел еси,/ постом, молитвами и слезами подвизаяся день и ночь,/ житием Варлааму и Сергию преподобным уподобился еси преславно/ и оттуда бесовския полки прогнал еси./ Ныне же и образ твой источает исцеление болящим,/ нам же спасение подаёт и велию милость.

Сла́ва, и ны́не, Богоро́дичен:

Упова́ние и прибѣжище христиа́ном,/ Богоро́дице Присноде́во Мари́е,/ не прѣзри упова́ющих на Тя рабо́в Твои́х,/ трѣбуем бо всегда́ Твоея́ по́мощи и заступле́ния,/ я́ко Ма́ти еси́ Зижди́теля всех, Христа́ Бо́га нашего./ Тем и велича́ем Рожде́ство Твое́, Пречи́стая, и вопие́м:/ ра́дуйся, Де́во Препросла́вленная;/ ра́дуйся, преподо́бных похва́ло;/ ра́дуйся, Богора́дованная Влады́чице;/ ра́дуйся, спасе́ние душа́м нашим и ве́лия мѣлость.

И чтѣние от жити́я преподо́бнаго отца́ нашего Ни́кандра чудотво́рца.

По 2-м стихослoви́и седа́лен, глас 1:

Войсти́ну пресла́вно жити́е твоё, преподо́бне,/ и А́нгелом благоговѣ́йно, ѓмже и подо́бник был еси́,/ постoм и моли́твами плотскія́ огнепа́льныя стра́сти умертвѣ́в,/ и, ны́не жив, со живу́щими во стране́ живы́х ра́достно поёши Трoи́цу Единосущную.

Сла́ва, и ны́не, Богоро́дичен:

Тя, Пресвята́я Богоро́дице, А́нгели пою́т непреста́нно,/ я́ко Содетеля́ тех и Бо́га нашего, несказáнно во чре́ве Твоём заче́нши,/ родила́ еси́ неискусому́жно во спасе́ние на́ше и избавле́ние;/ Егoже и мо́лиши при́сно/ сущим на земли́ здравие дарова́ти и ми́ру все́му умира́ние./ Те́мже и зове́м Ти:/ ра́дуйся, всех родoв весе́лие;/ ра́дуйся, Де́во, христиа́н похва́ло.

И па́ки чтѣние от жити́я преподо́бнаго.

По полиеле́и седа́лен, глас 8:

Ка́ко ты ублажи́м, преподо́бне,/ или́ кѣйма устна́ма просла́вим твою́ досточу́дную па́мять?/ А́нгела ты в ле́поту нарица́ем земна́го и Небѣснаго челове́ка,/ ещѣ́ бо ти во плoти́ сущу,/ гла́са Бо́жия сподо́бился еси́ слы́шати/ и явле́ние преподо́бнаго Алекса́ндра Сви́рскаго, чудотво́рца, ви́дети,/ к по́двигу на неви́димыя си́лы укрепля́юща ты,/ ѓхже, подвиза́ясь, победи́л еси́/ и от челове́к отгоня́еши при́сно,/ сего́ ра́ди зове́м:/ ра́дуйся, богоблаже́нне Ни́кандре, oтче наш.

Слава, и ныне, Богородичен:

Дѣво Пренепорочная и Неискусомужная Маріе, / при-
зри и посеті рабѣв Твоих, / вѣрно поющих и хвѣлящих
Тя во храмѣ Твоѣм, Препѣтая: / радуйся, Богоблагодѣ-
тнѣя Богородице Всепѣтая; / радуйся, спасѣніе наше
и утверждѣніе; / радуйся, просветившая род наш свето-
носным Рождествѣм Сѣна Твоѣго и Бѣга нашего, / Имже
искореніся лѣсть бесѣвская; / радуйся, совокупившая
дѣльняя Небесным: / радуйся, Невѣсто Невѣстная.

И паки чтѣніе от житія преподѣбнаго.

Тѣже степенна, 1-й антифѣн 4-го гласа. Прокимен,
глас 4: Честнѣ пред Гѣсподем // смерть преподѣбных
Его. Стих: Что воздам Гѣсподѣви о всех, яже воздаде
ми? Евангелие от Матфѣя, зачало 43.

По 50-м псалмѣ стихира, глас 6:

Преподѣбне и достоблаженне ѡтче Никѣндре, / тебѣ
постыдѣшася бѣсове и исчезаху, плачуще, / яко побе-
дѣл еси их молитвами твоими; / и человецы, напрасно
уязвляющии тя, посрамлени бѣша; / звѣри же привѣ-
деннии, устрашившася, отбѣгоша, / силою бо крѣстною
тех прогнал еси; / ты же непобѣдим Христѣви предсто-
иши, / Имже ты равночѣстна святѣм показѣ, // Емуже и
моліся о душах наших.

Канѣн святѣго Никѣндре, егѣже краестрѣчїе:

Никѣндре преподѣбне, радуйся. Глас 4.

Песнь 1

Ирмос: Раздѣлив пучину Чермную Бог, / фараѣна по-
грузивый в ней, / провед Моисѣя немѣкренно в пустыню /
и одождив манну в снѣдь людем Израилевым, // яко
Всесѣлен.

Настави мя, Гѣсподи, на путь разума, / свѣтло воспѣти
угѣдника Твоѣго, / егѣже слѣвом Твоим в пустыню извел
еси, / и врагѣ егѣ под нѣги томѣ покорив, / яко Всесѣлен.

Избави ны, Бѣже, от уст душепагубнаго вѣлка / молит-
вами преподѣбнаго Своѣго, / имже невредно премину
житѣйскую пучину, / егѣже ради одожди на ны богатую
Твою милость, / яко Всесѣлен.

Кто подѣбне подвиги твоѣ исчислити возмѣжет, пре-
славне Никѣндре, / имже подвижася, врагѣ побѣдил

есї?/ И ныне славно твориши чудеса дѣйствием Святаго Духа,/ Бѳга Всесильна.

Аще и тьмами покушашеся враг отъяти сокровище души твоея,/ но, уязвен быв мечем крепкаго ти воздержанія, победѣ,/ ты же господствуеши у Царя славы,/ Бѳга Всесильна.

Богородичен: Богородице, Приснодѣво Маріе,/ прости ми милостивне десницу на поможь, умоляючи Сына Твоего и Бѳга,/ яко уязвен есмь люте и на Тя точию надежду мою положих,/ Ты мя ущедри.

Катавасія: Отвѣрзу уста моя:

Песнь 3

Ирмос: Утвердися сердце мое в Господе,/ дающем молитву молящемуся,/ яко лук сильных изнеможе// и немощствующии препоясашася силою.

Непоколебимъ пребыл еси о Господе, преподобне,/ дающем спасение просящим смиренно,/ гордость же бесовская низпадѣся,/ видевши тя во плоти препоясавшагося Бѳжию силою.

Дарова тебѣ Господь, всебогате,/ богатство неотъемлемыя славы,/ еже возставляти разслабленных,/ темже и нас препояши силою.

Разумно препоясався, святе,/ во одежду смиреннаго богоразумія,/ немощны сотвори супостаты наша,/ молитвами твоими, молимся.

Богородичен: Надежда и упование наше, Владычице мира,/ Благая Помощнице,/ спаси, и в крепости рог вознеси православных, и люди наша от всяких бед и от различных обстояний свободи.

Ин кондак, глас 8:

Богосиянная звездѣ веры, яже возсия в Русстей земли,/ отче преблаженне Никандре,/ слезами и постом и бдением и молитвами удручал еси тело свое,/ темже и обрел еси Небесную жизнь, и радостно тамо со Ангелы ликовствуеши,/ сего ради да зовем ти:// радуйся, отче преподобне Никандре, пустынный жителю.

Седален, глас 3:

Яко заря солнечная, пресветло сияеши/ и всем верно прибегающим под кров милости твоея, преподобне,/ веселие подаеши и душам спасение;/ стяжал бо еси

мнóгое дерзновéние ко Христу́ Бо́гу,/ Емúже и моли́ся
непрестáнно, Никáндре, óтче наш всеблаже́нне,/ пре-
грешéний оставлéние даровáти нам и вéлию мýдлость.

Слáва, и ны́не, Богородичен:

Под Твоé благоутрóбие притекáюще, мо́лим, Богоро́-
дице Дéво,/ не прéзри рыдáния нáшего и моли́твы,/ но
ускори́ избáвити от бед и скорбéй лю́ди безотвéтны,/
Ты бо еди́на еси́ извéстнейшее христиáном упová-
ние,/ и, к Тебé прибегáюще, вси спаса́емся.

Песнь 4

Ирмо́с: *Небеса́ добродéтель Твоя́ покрýла есть,/ и земля́ исполнися слáвы Твоея́, Христé,/ тэмже вéрно вопи́ем:// слáва силе Твоей, Гóсподи.*

Еди́наго Бо́га в сéрдце твоём имéя, преподóбне,/ в пусты́ни трудолю́бно пожил еси́, Никáндре, óтче наш, взывáя вéрно:/ слáва силе Твоей, Гóсподи.

Пресвéтел и чéстен светильник ты еси́, óтче Никáндре,/ не зáйде бо свет добродéтельного твоего́ жити́я под спуд забвéния,/ но, я́ко со́лнце, озаряет вéрно Христóви пою́щих:/ слáва силе Твоей, Гóсподи.

Расточил еси́ имéние твоé, óтче, Христа́ ráди,/ от Него́же и глас услы́шав, в пусты́ню всели́лся еси́/ и на высоту́ добродéтелей возшéл, взывáя:/ слáва силе Твоей, Гóсподи.

Богородичен: Из Твои́х Пречы́стых чресл, Богороди́-
тельнице,/ Сло́во Бо́жие произы́де несказáнно,/ Его́же объёмши, от зол избáвити умоли́ зову́щих:/ слáва силе Твоей, Гóсподи.

Песнь 5

Ирмо́с: *Мрак разреши́ грехá моего́,/ внигда́ возсия́ти Ти/ утро́ светлое заповедей Твои́х, // Гóсподи, непристу́пный Свéте.*

Его́же возлюбил еси́/ и Емúже поработал еси́ от ю́ности, óтче,/ Того́ умоли́ мрак грехóвный от души́ моея́ разгна́ти/ сия́нием духо́вным.

Приложил еси́, óтче, труды́ ко трудóм сугубо,/ сегó ráди и мнóгая благáя Небéсная приложи́шася тебé./ Тэмже ты мо́лим:/ приложи́ и нам мýрнаго жити́я и райскаго весéлия.

О теле твоём небрегій, преподобне,/ пребыл еси на земли, о Небесных поучаяся,/ идеже ныне радуясь живёши;/ моли убо и нам радости той сопричаститися.

Богородичен: Нескверная Агнице и Богоотроковице Маріе,/ Твоими молитвами укрепившеса, святіи победиша бесовския силы./ Темже и нам, уповающим на Тя, скоро предстани в помощь,/ да посрамятся и падут вси являющии рабom Твоим злая.

Песнь 6

Ирмос: Приидох во глубины морския,/ и потопила мя есть буря многих грехов,// но, яко Бог, из глубины возведи живот мой, Многомилостиве.

Далече от Бога грех мя отрину,/ и в пучине зол погружаюся, увы мне!/ Но, о предстателю наш тёплый,/ избави от належация скорби душу мою, преподобне Никандре.

Остави мя сила моя, и люте окружают мя скорби,/ тёпле убо припадаю ти, преподобне Никандре:/ подаждь ми долгов разрешение, молюся, исцеление телеси и души спасение,/ молитвами твоими, всебогате.

Бездною грехов сляцаемь, окаянный,/ во глубине отчаяния потопляюся,/ но, предварив молитвами твоими, отче,/ руководствуй мя во свете боговедения, яко отец благоутробный.

Богородичен: Безначальный Бог из Тебе родися, Дево,/ и по рождестве Тя Деву соблюде нетленно,/ Того нам милостива сотвори, молимся,/ и от нахождений лютых зол сохрани, яко Милосерда.

Кондак, глас 1:

Яко лучу ты солнечную Христос показа, преподобне,/ сияеши бо в земли Россійстей чудес благодатию/ и отгоняеши тьму страстей же и скорбей/ от приходящих к тебе с верою./ Темже почитаем твою память, Никандре, отче наш, и вопием ти:/ радуйся, пустынножителей красото// и стране нашей похвало и утверждение.

Икос:

Пророческое слово делом совершил еси, богомудре,/ удалився бо мира и в пустыню вселився, преподобне,/ Бога обрел еси Помощника тебе,/ и Той ты

богáтно прослáви и чудес благадáтию обогáти преслáвно, / я́ко и от о́бразá твоегó здравие боля́щим истека́ет незави́стно. / Те́мже, стéкшеся, день преставлénия твоегó духовно прáзднуем, / пóдвиги твоя́ почитáюще и похвáльная воспева́юще: / рáдуйся, пóстниче терпеливоду́шный, трудополо́жниче смиренномудрый, / истóчниче слез непресыхáемый, стóлпе молитвенный неподви́жимый, / сказа́телю б́удущих нелóжный, послушáния бэ́дно и высотó смирénия, / извэ́стный наследниче Небэ́снаго Цáрствия, помóщниче скорбя́щим милосéрдый, / заступниче ко Влады́це Христу́ Бо́гу непрелóжный, / вели́кому Новугра́ду и Пско́ву свéтлая доброто́ / и всем вёрным спасéние и слáво, преподóбне Никáндре, о́тче наш, / странé нáшей похвалó и утверждéние.

Песнь 7

Ирмос: *Образу златóму не поклонившеся, óтроцы авраáмстии / искушáхуся, я́ко златó в горни́ле, / в пещи́ óгненной, я́ко в черто́зе свéтлеме, / ликовáху, пою́ще: // благословén еси́, Бóже о́тец нáших.*

Ничтóже предпочёл еси́ земных пáче Небэ́сных, / но, я́ко златó в горни́ле, искусился еси́, в пусты́не живы́й, весь светови́ден быв, / не помрачй бо ты но́щь бесóвския прелести, / занé, всегда́ во свéте богомы́слия пребывáя, взывáл еси́: / Бóже, благословén еси́.

Еди́н Еди́ному Гóсподу прилепívся, богоблаже́нне, / молитвами и постóм вы́ну Тому́ бесéдовал еси́, / те́мже и венце́м неувяда́емая пóчести оде́ян, / рáдостно вшел еси́ с мудрыми дéвами в невестник Христóв, вопия́: / Бóже, благословén еси́.

Рэ́сна* пáмять твоя́, преподóбне Никáндре, / свет вторы́й вёрным лю́дем явйся, / ю́же прáзднующе, богáтно лучáми чудес озаря́емся и Христу́ вопие́м: / Бóже, благословén еси́.

Богорóдичен: *Виждь, Влады́чице, души́ моея́ злосмра́дныя рáны, ихже самохóтне подъя́х, окаянный, / и не могу́ приложити пла́стыря, но, эле́ жив сый, вопию́: / мило́стива мне Врача́ всех и Бóга Мáтерними Твоими́ молитвами сотвори́, / я́ко да спáсшися воспою́ Ти: / благословén, Пречы́стая, Плод Твоегó чрэва.*

* Рэсна — достойная.

Песнь 8

Ирмос: *Избавителю всех, Всесильне, / посреде пламене
благочествовавший, / снизшед, оросил еси / и научил еси
пети: // вся дела, благословите, пойте Господа.*

Аще и в пустыни сокрылся еси, преподобне, / но не
утайся добродетельнаго жития твоего светлость, /
снизшед бо свыше, преподобный Александр / на невидимыя
враги победу дарова и пети тя укрепил: / вся
дела, благословите, пойте Господа.

Древо благоплодовито гроб твой обретется посреде
пустыни, / от негоже чудесный виноград обнимающе, /
непрестанно души наслаждаем, и от напастей изменяем, /
и почитаем терпение твое, Никандре преподобне,
Христа славословяще, зовем: / вся дела, благословите,
пойте Господа.

Увы мне, что сотворю, окаянный, зря многосветлыя
иконы твоея зрак, / блистающийся о добродетели, еже
не стяжах отнюд? / Но, о преподобне Никандре, / на-
стави мя на путь правый, вопити Христу истинно: /
вся дела, благословите, пойте Господа.

Богородичен: *От Тебе, Пресвятая Богородице, /
излияся вода животная на омовение скверны все-
мирныя, / еуже благоволи и мое сердце прохладити
и окропити росю молитв / в крове крил Твоих во
веки вся.*

Песнь 9

Ирмос: *Величаем вси / человеколюбие Твое, Христе,
Спасе наш, / славо раб Твоих и венче верных, // возвели-
чивый память Рождшия Тя.*

Идеже осеняет благодать Твоя, Христе, Спасе наш, /
тамо бывает слава рабом Твоим и венцы почестей
терпящим верно. / Тем и нам даруй милости Твоя,
почитающим память преподобнаго Твоего.

Слово твое истинно и житие богоугодно на земли
изобразил еси, преподобне, / ныне же и на Небесех
Христови предстои, / молися возвеличить державу
благочестивых царей и воинство миром оградити.

Якоже предрек еси, богодухновенне, / сохранитися
от бед погребшим тело твое иногда, и бысть тако, / и нас
ныне от належащих обстояний милостивно заступи, /
яко да спасешся тобою, верно возвеличим память твою.

Богородичен: Кое Тебе дарованіе принесем, Богородице,/ или что вещати имама, грешнии?/ Точию умильно вопием, молящися:/ спаси рабы Твоя, Богоблагодатная Отроковице,/ яко да Тя присно величаем.

Светилен:

От юности, отче, дом Духу Пресвятому явился еси,/ во кротости со смиренномудрием всего себе поручив Господеви,/ Иже и призре неуклонно на тихость души твоея./ Тем ныне и землю кратких на Небесех наследовав, вечно ликуеши.

Слава, и ныне, Богородичен:

Радуйся, Тебе зовем, Благословенная Богородице Дево,/ яко Тобою присносущныя радости причастницы быхом,/ Живот бо наш и Спасение недомыслимо и выше естества родила еси,/ сего ради непрестанно ублажают Тя родове родов,/ якоже прежде прорекла еси.

На хвалитех стихиры, глас 8.

Подобен: О, преславнаго чудесе:

О, преславное чудо!/ Сад благоплодный образ твой,/ преподобне Никандре,/ верным людем является днесь/ и, яко солнце в полудне, сияет,/ чудесы озаряя достойно чтущих память твою,/ и ночь несветлых скорбей прогоняеши/ от приходящих к тебе с верою// и верно поющих тя.

О, преславнаго твоего жития,/ богомудре Никандре!/ Како не удивимся, земнороднии?/ Яко, во плоти сый,/ безплотным Ангелом уподобился еси,/ с нимиже ныне ликуеши во свете невечернем на Небесех,/ предстоя Христоу в радости,/ Емуже молися о нас,// любовию хвалящих тя.

О пречудне Никандре,/ пустынножителю преславный,/ древним святым равностоятелю,/ во славе присносущней соводворяешися,/ светло зриши Лице Святыя Троицы,/ от Неяже мысленно просветився благодатию,/ и нетленного сопричастился еси Царствия,/ егоже и нам помолися улучшить и от печали избавитися,// да празднуем радостно память твою.

О досточуднаго твоего терпения,/ о мужества душевнаго,/ о нрава непобедимаго,/ достоблаженне Никандре!/ Победе тезоименит явлься,/ войстину победил еси

начала тьмы и власти воздушныя / и, в Небесное наследие отшед радуясь, / восприял еси богато воздаяние // от Царя Христа и Бога нашего.

Слава, глас 8:

Монахов множество, / днесь духовно торжествующе, / псаломски восхвалим память преподобнаго отца Никандра. / Блажен еси, отче, / яко путем нечестивых не ходил еси, / но, в законе Господни поучаяся день и ночь, / море страстей жезлом воздержания разверзл еси, / и, в пустыни поживый, яко вторый Моисей, / врага попрал еси, / и, умнаго боговидения сподобився, / во обетованное Отечество вшел еси, / идеже купно со святыми // поеши, веселяся, Троицу Единосущную.

И ныне, Богородичен, глас тойже: Владычице, прими:

Славословие великое и отпуст.

НА ЛИТУРГИИ

Блаженны от канона, песни 3-я и 6-я, и служба вся преподобническая.


Молитва

О преподобне и достоблаженне отче наш Никандре, постниче терпеливодушный, безмолвия рачителю предоблий, учителю спастися хотящим премудрый, наказателю ленивым претихий, разрешителю тлетворных страстей незлобивый, мужу желаний, прозорливства пророческаго исполненне, предвозгласная будущих благ цевнице, адаманте веры во Христа несекомый, незыблемый терпения столпе, заповедей Творца твоего совершителю благопослушливый, плотный Ангеле и Духа Святаго вместителю благовонное, жителю пустынный и бесов прогонителю, исполнителю всех добродетелей смиренномудрый, Небесный человек и сожителю горним чиновачалием, кротостию духа землю кратких наследовавший, друже Христов и угониче Пресвятыя Богородицы, Яже и раку цельбоносных мощей твоих во храме Своем прославити благоизволи, избильно от нея чудесному дождю на верных изливатися повелевши! К нейже припадающе с любовью, молим тя, досточудне: не престай молити

Пресвятую и Живоначальную Троицу, низпослати странѣ нашей мир и благодѣнствие, на врагѣ же побѣду и одолѣние, и от наветъ вражиихъ воинству нашему сохранитися в мѣре, Церквамъ согласіе и всемъ людемъ тишину и изобиліе благихъ даровати. И угаси, блаженне, молитвами твоими, парящія на ны разжѣнныя бесовскія стрѣлы, да не прикоснется намъ злоба греховная. И, всемъ вся милостивне даруя, призри и на мя, смиреннаго раба: связанъ бо есмь люте пленицами прегрешеній и влекомь, увѣи мене! в пучину страстнаго моря неодоержанно. Сего ради прилежно молю святѣишу твою, пребогате, и припадаю къ раце мощей твоихъ со слезами: предстани мене на пути бѣдственнаго житія сего, расторгни узы, отженіи страсти, ослаби от греховныхъ веригъ, избави мя от належашаго скорби и от всякаго зла, разреши мя от болезненныхъ узъ и спасеніе души умоли мене, яко да воспую и прославлю в Троице славиимаго Единаго Бога, Отца и Сына и Святаго Духа, ныне и в безконечныя вѣки вековъ. **АМИНЬ.**

Преподобный Никандр Псковский († 1581), в крещении Никон, родился в селе Виделебье на Псковщине. Его старший брат Арсений принял монашество. В 17 лет Никон после смерти отца сумел убедить свою мать раздать имение и удалиться в монастырь, где она жила до самой кончины. Обойдя все обители Псковской земли, поклонившись мощам преподобного Евфросина Спасоелеазаровского и преподобного Саввы Крыпецкого, он окончательно утвердился в стремлении изведать тайны христианского житія. Чтобы иметь возможность самому читать слово Божіе, он нанялся в работники къ псковскому жителю Филиппу, который за усердіе отдал его на обученіе къ опытному учителю. (Впоследствии Филипп также вступил на путь иночества по молитвам преподобнаго Никандра.)

Видя ревность юноши о монашескомъ подвиге, Господь Сам указал ему пустынное мѣсто на реке Демьянке недалеко от Пскова. По дороге туда его встретил блаженный Николай Салос Псковскій и предсказал ему многія искушенія и бѣды на тесномъ пути подвижничества. Молитвами



Псковскихъ угодниковъ и преподобнаго Александра Свирскаго, который дважды являлся преподобному, наставляя и укрепляя его в подвигахъ,

он с Божией помощью преодолел все козни лукавого, силой молитвы побеждая слабости человеческой плоти.

Проведя несколько лет в пустыне, преподобный удалился в монастырь, основанный преподобным Саввой Крыпецким, и принял там постриг с именем Никандр. Вскоре он снова вернулся в свою пустынь, где прожил 15 лет в подвигах поста и молитвы, постигая слово Божие. Однажды его чуть не убили разбойники, отняв единственное и самое ценное для отшельника — книги и иконы, но по молитвам преподобного двое из них раскаялись в своих злодеяниях и вернулись к добродетельной жизни.

Все чаще уединение преподобного стало нарушаться многочисленными почитателями, приходившими за словом утешения и совета. Тайно приходя к его келлии, люди всегда слышали,

что он молился с горьким рыданием, но, заметив близость людей, святой тотчас же умолкал, пряча от них полученный им от Бога слезный дар.

Вновь преподобный Никандр уходил на жительство в Крыпецкий монастырь и снова вернулся, теперь уже навсегда, в пустынь, где некогда начал свой иноческий подвиг. Господь отметил Своего угодника благодатным даром прозрения. Он предвидел и свою смерть, предсказав, что умрет, когда на Отечество его нападут враги. 24 сентября 1581 года, во время нашествия войск польского короля Стефана Батория, один крестьянин нашел его скончавшимся: он лежал на рогожке со сложенными крестообразно на груди руками. В 1686 году, при Патриархе Иоакиме, состоялось церковное прославление преподобного.

В
ТОЙЖЕ
ДЕНЬ



**Преподобномученика Галактиона,
Вологодского чудотворца,
иже на реце Содиме, преименованной же Золотухе**

НА МАЛЕЙ ВЕЧЕРНИ

На Господи, воззвах: стихиры, глас 1.

Подобен: Небесных чинов:

**Ра́дуйся, богоизбра́нный чи́стый сосу́де,/ Свята́го
Ду́ха изря́дное пребыва́ние,/ преподо́бне о́тче Галак-
тио́не,/ ты бо измла́да Христа́ возлюби́л еси́,/ и душе-
спаси́тельному пу́ти ра́читель был еси́,/ и Ева́нгилию
Христо́ву послéдовал еси́,/ и ны́не мо́лим тя:// моли́ся
Го́сподеви, спаси́ся душа́м на́шим.**

**Жела́нием серде́чным а́нгельскаго о́браза дости́гл
еси́/ и ко Всеси́льному Бо́гу/ труды́ тво́я и ве́лию ве́ру
прине́сл еси́,/ те́мже, о́тче преподо́бне Галактио́не,/ про-
ти́ву богоподви́жных трудо́в твои́х// благода́ть от Бо́га
восприя́л еси́.**

**Богоблаже́нне о́тче Галактио́не,/ по успе́нии твоём
свята́я душа́ тво́я/ ко Престо́лу Влады́чню возлете́,
я́ко мо́лния,/ и ны́не со А́нгелы лику́еши./ Те́мже
моли́ о нас Пресвяту́ю Трои́цу,// изба́витися от бед и
скорбе́й и спаси́ся душа́м на́шим.**

Сла́ва, глас 8:

Преподо́бне о́тче наш Галактио́не,/ войсти́ну сподо́бился еси́ божественны́я жи́зни,/ постомъ бо и бде́нием изнури́л еси́ тѣло твоѣ/ и богому́дрым твои́м жити́ем о́браз был еси́ благочестія./ Аще бо и телесный я́зык умолча́,/ но чудеса́ свидѣтельству́ют,/ и́бо лучи́ чудес испуща́еши,/ исто́чник исцелѣний оби́льно источа́еши./ Тѣмже и мы, дѣти твоѧ́ духо́вная, проповѣ́дующе, вельми́ хва́лимся:/ имеемъ себѣ, глаго́люще, прекра́сное селѣние/ и неотъѣмлемо сокро́вище,/ зря́ще честный о́браз твой и чудеса́ быва́емая,/ яже просла́вляю́т просла́вльшаго тя Го́спода,/ Ему́же моли́ся дарова́ти правосла́вным христиа́ном/ на сопроти́вныя побѣду и одоле́ние,/ и ми́ру всему́ смире́ние, // и душа́м спасѣ́ние и ве́лию ми́лость.

И ны́не, Богоро́дичен, глас то́йже:

Ра́дуйся, сокро́вище Божественное Еди́наго от Тро́ицы;/ ра́дуйся, пречы́стый хра́ме Пречы́стаго Сло́ва;/ ра́дуйся, Небесѣ и земли́ неумолка́емое славосло́вие;/ ра́дуйся, свѣте су́щих во тьме;/ ра́дуйся, щедро́т пучи́но, Влады́чице;/ ра́дуйся, еди́но христиа́н упова́ние;/ ра́дуйся, Защи́тнице жи́зни на́шей;/ ра́дуйся, держа́вная Покрови́тельница и Помо́щнице;/ ра́дуйся, Препросла́вленная;/ ра́дуйся, Ма́ти Бо́жия Присноде́во;/ ра́дуйся, Благоутро́бная и Всеми́лостивая Госпоже́;/ ра́дуйся, святы́х Пресвята́я Богоро́дице Цари́це; // ра́дуйся, воскресѣ́ние и спасѣ́ние душ на́ших.

На стихо́вне стихи́ры, глас 2.

Подобен: До́ме Евфра́фов:

До́м Ду́ха Пресвята́го/ был еси́, о́тче,/ и нас моли́твами твои́ми/ селѣ́ние покажи́ Святы́я Тро́ицы, // Галактио́не преподо́бне.

Стих: Честна́ пред Го́сподем // смерть преподо́бных Его́.

От ю́ности Бо́га/ возлюбил еси́/ и Тому́ приле́жно/ раба́тал еси́, // о́тче преподо́бне Галактио́не.

Стих: Блаже́н муж, боя́йся Го́спода, // в за́поведех Его́ восхо́щет зело́.

Благоуха́ет о́браз твой богáтно/ и да́рует всем неза́вѣстно/ исцелѣ́ние боля́щим,/ Галактио́не преблагѣ́нне, // твои́ми моли́твами.

Сла́ва, глас 8:

**Ви́дети желая́ сла́ву Вседержи́теля, / То́му́ все́ю душо́ю
угодив, преподо́бне, / в жи́зни вре́менной вся пренебре́гл
еси́, / те́мже на Небесе́х восприя́л еси́ неизрече́нное
воздая́ние, / богоблаже́нне о́тче Галактио́не, / иде́же
ны́не со А́нгелы водворя́ясь, / помяни́ и нас, любо́вию
тя восхваля́ющих, / и Христо́ви со дерзнове́нием при-
ле́жно моли́ся // о душа́х на́ших.**

И ны́не, Богоро́дичен, глас то́йже:

**Ми́ра все́го Цари́це, / роди́вшая Царя́ всех, Христа́
Бо́га, / Еди́наго Милосе́рдаго, / мо́лишися непреста́нно,
от грехо́в и напа́стей изба́виться / сла́влящим вели́чия
Твоя́ и пою́щим Тебе́: / ра́дуйся, Ма́ти Бо́жия Пречи́-
стая, / челове́ков спасе́ние и воскресе́ние // и твёрдое
огражде́ние.**

Тропа́рь зри на вели́цей вече́рни.

НА ВЕЛИ́ЦЕЙ ВЕЧЕ́РНИ

На Го́споди, воззва́х: стихи́ры, глас 5.

Подобе́н: Ра́дуйся:

**Ра́дуйся, по́стнических войсти́ну по́двигов / благово́н-
ный сосу́де, / крест бо на ра́мо взем, / Влады́це Христу́
себе́, преблаже́нне, возложив, / плóти попрáл еси́ до́лу
влеку́щее мудрова́ние, / добродете́льми же ду́шу твою́
просвети́л еси́ / и к боже́ственному впери́лся еси́ желá-
нию. / Те́мже святе́й ико́не твоёй предсто́яще, / пре-
хва́льне Галактио́не, / Боже́ственного человеколю́бия /
про́сим получи́ти твоими моли́твами // и ми́ру дарова́ти
вэ́лию ми́лость.**

**Лэ́ствица небоме́рная я́ве / жити́е твоё бысть, бого-
му́дре, / ёю́же на высоту́ возвы́сился еси́ / и Влады́це
Христу́ бесе́довати, блаже́нне, сподо́бился еси́, / ум
просветив та́мо су́щими осия́нии, / луча́ми же Того́
просвеща́емь, / равноа́нгельну прия́л еси́ све́тлость. /
Ему́же и ны́не предсто́я, моли́ся, преподо́бне, / совер-
ша́ющая честну́ю твою́ па́мять с тобо́ю предста́вити //
и ми́ру дарова́ти вэ́лию ми́лость.**

**После́довав стопа́м Влады́ки Христа́, / пресе́льник
оте́чества твоего́ был еси́, / твёрдосто́ию бо ра́зума,
богоно́се, укрепля́емь, / различная кова́рства вра́жия и
кова́рственная наше́дших шата́ния, / терпéнием твоём**

одоле́в, низложи́л еси́./ Тем и страна́ волого́дских струй
иорда́нски ликовству́ет,/ напая́ема твоими́ слеза́ми,/ ю́же по́стническии собо́ри ны́не населя́ют,/ жити́ю
твоemú послéдующе,/ о нихже не преста́й моля́, преподо́бне
Галактио́не, // дарова́тися ей ве́лией ми́лости.

Твоим равноа́нгельным жити́ем, преподо́бне, и смире́нием/
ве́чных благ наслéдник яви́лся еси́/ и чудеса́ твоими́ Во́логду град и окрестны́я ве́си просвещáеши,/ и́мже
весь наро́д страны́ сея́ удиви́л еси́,/ и́же о́браз твой че́стный, прише́д, лобыза́ют, глаго́люще:/ о пре́чудне
о́тче наш Галактио́не,/ моли́ Христа́ Бо́га// дарова́ти душа́м на́шим мир и ве́лию ми́лость.

Сла́ва, глас 4:

Ра́дуйся, всеблаже́нная главо́,/ и́же от мла́дых ногте́й
кре́постию ума́/ Бо́гом Вседержи́телем утвержда́емь,/ духо́вную пи́щу, Христа́, па́че всех возлюби́л еси́,/ земны́я
красо́ты и пи́щи и поко́й отню́д возненави́дел еси́,/ отве́рг по́сланная и возгла́вия,/ почи́вати на
тве́рдых желе́зокова́нных у́жех изво́лил еси́./ Того́ ра́ди Небе́сным Си́лам собесéдник яви́лся еси́, преподо́бне,
с ни́мже Христа́ Бо́га моли́ непреста́нно// о всех ве́рно чту́щих па́мь твою́.

И ны́не, Богоро́дичен, глас то́йже: И́же Тебе́ ра́ди:

Та́же вход. Прокі́мен дне.

И чтéния три преподо́бническая.

Премуд́рости Соломо́новы чтéние: Пра́ведных ду́ши в руце́ Бо́жией: Премуд́рости Соломо́новы чтéние: Пра́ведницы во ве́ки живу́т: Премуд́рости Соломо́новы чтéние: Пра́ведник а́ще пости́гнет сконча́тися: (зри страни́цы 272–273).

На литіи стихи́ры хра́ма.

Та́же преподо́бнаго, глас 8:

Тро́ицы Святы́я изря́дный уго́днице,/ богоно́се о́тче наш, пречу́дне Галактио́не,/ засту́пниче наш те́плый,/ моли́ся прісно Влады́це Христу́/ и Всепречи́стей Его́ Богома́тери// поми́ловати нас в День Су́дный.

Сла́ва, глас то́йже:

Безплóтных невеще́ственных чино́в подража́телю,/ богому́дрый о́тче преподо́бне,/ ты, по че́стнем твоeм

преставлѣнии,/ яко солнце, чудесѣ сияеши,/ слепыя просвещаети, болящия исцеляеши,/ избавляеши всяческих бед и напастей/ к твоему покрову прибегающих./ Тем вологодский народ тщательно твоего храма достигает,/ и честному твоему образу возжеленно поклоняются,/ отнюдуже и почерпают Божественную Духа благодать, осеняющую тя,/ прославляюще прославльшаго тя Христа Бога./ Егоче моли, богоносе Галактионе,/ да спасет души всех притекающих к тебе// и святую память твою почитающих.

И ныне, Богородичен, глас тойже: Безневѣстная Дѣво:

На стиховне стихиры самогласны, глас 2:

Световиден, Пресветлому Свету ты, бесѣдуя, явился еси,/ преблаженне Галактионе,/ иже единением лучшим яко паче естества обожаемь,/ божественнаго желанія достигл еси кончину,/ еже пощением издавча зрел еси со многим умилением./ Тем предстою радостно Христу Богу нашему,// прилежно молюся обрести нам милость в День Судный.

Стих: Честна пред Господем// смерть преподобных Его.

Се живый источник,/ се река спасения/ богоноснаго отца благодать показася./ Темже усердно вси придите,/ почерпем, недугующи, исцеление,/ и радость, сущи в печалех,/ и вси болѣзнующи душевными страстьми, незавѣстно исцеление// молитвами угодника Христова, блаженнаго Галактиона.

Стих: Блажен муж, бойся Господа,// в заповедех Его восхощет зело.

Всехвальне отче наш Галактионе,/ источаеши исцеления приходящим с верою,/ и дух твой, блаженне, со безплотными ликовствуя,/ о Бозе веселится,/ и, к Немю дерзновенне со преподобными предстою,/ в вышних моли спастися всем// почитающим твоё, преподобне Галактионе, успение.

Слава, глас 5:

Вострубим духовными пѣснями во псалмех и пѣниих,/ стецемся в церковь Божию/ и услышим заступника граду нашему,/ егоче молитвами своими соблюдает всегда от нашествия поганых./ Темже ему вси тако рцем:/ отче Галактионе приснопамятне,/ предвари и

избáви нас от искушéний всяческих,/ любóвию молящих тя,/ я́ко тéпла предстáтеля ко Спáсу всех Христý Бóгу за лю́ди твоя́, // да спасёт дýши нáша.

И ны́не, Богорóдичен, глас то́йже: Хра́м и дверь еси́:

Тропа́рь, глас 5:

Днесь град Во́логда тобо́ю всеми́рне хва́лится,/ возсия́л бо еси́ пресвѣтло, я́ко со́лнце,/ и чудесы́ твои́ми град и ве́си, преподо́бне Галактио́не, озари́л еси́./ И ны́не моли́ся Го́сподеви/ избáвитися ду́шам нáшим от прѣлести вра́жия/ и спаст́ся гра́ду нáшему от погáнскаго и всех протíвных найт́ия,/ и испроси́ у Христа́ Бóга любóвию чтúщим тя/ прегрешéний прощéния/ и прося́щим твоея́ по́мощи от вся́кия скóрби избавлéния/ и вопи́ющим к тебе́:// Бог наш с нáми, просла́вивый уго́дника Своего́, я́коже благоволи́.

Ин тропа́рь, глас 4:

Днесь град Во́логда тобо́ю хва́лится, преподо́бне,/ возсия́л бо еси́ пресвѣтло, я́ко со́лнце,/ гра́ды и ве́си чудесы́ твоими́ озаря́я./ И ны́не, преподо́бному́чениче Галактио́не, Го́сподеви моли́ся/ странé нáшей от нахождéния сопротíвных избáвитися,/ и у Христа́ Бóга прегрешéний нáших оставлéние испроси́,/ и от вся́кия скóрби избавлéние пода́ждь/ любóвию чтúщим тя и вопи́ющим ве́рно:// Бог наш с нáми, просла́вивый уго́дника Своего́, я́коже благоволи́.

НА УТРЕНИ

На Бог Господь: тропа́рь свята́го. Сла́ва, и ны́не: Богорóдичен.

По 1-м стихослóвию седа́лен, глас 8.

Подóбен: Прему́дрости:

Стремлéния плотскáя умертвív мно́гими по́двиги, преподо́бне,/ приятелище был еси́ Божéственных восхождéний,/ отню́дуже и чудес благадáть от Бóга прия́л еси́,/ и в пусты́ни исто́чник водный соде́лал еси́,/ и мно́гими твоими́ чудесы́ мир удиви́л еси́, приснопа́мятне о́тче,/ моли́ Христа́ Бóга грехо́в оставлéние дарова́ти/ чтúщим любóвию свята́ю па́мять твою́.

Сла́ва, и ны́не, Богоро́дичен:

Я́ко пресвѣтлую спасітельнаго нас ра́ди Сло́ва стро́енія дверь, шѣдшую в мир,/ Блаже́ннаго Божества́ умную лучу́/ и я́ко новоцвѣтный и божѣственный рай Вседержітеля Бо́га Отца́,/ прекра́сный черто́г Царя́ Христа́ и пречу́дную палату́ Ду́ха Свята́го,/ Тя, Пренепоро́чная Богома́ти, Присноде́во Мари́е, мо́лим, раба́ Тво́й,/ и, пречы́стому о́бразу Тво́ему припа́дающе, со умилѣніем во́пием Ти:/ Премі́лостивая, моли́ся, Цари́це и Богоро́дице, Сы́ну Тво́ему́ и Бо́гу,/ прегреше́ний оставле́ние дарова́ти/ благоче́стно покланя́ющимся божѣственной ико́не Тво́ей.

По 2-м стихослóвию седа́лен, глас 8:

Я́ко Авраа́м дре́вле пра́ведный, оста́вь отѣчество свое́,/ и во и́ну страну́ удали́л еси́ себе́, преподо́бне,/ и близ боголюбе́знаго гра́да Во́логды всели́лся еси́,/ иде́же во́ду сла́дку от земных недр извѣл еси́,/ и пи́ющим ю о цельба́х преподава́тися у Христа́ Бо́га испра́шиваеши./ Сего́ ра́ди во́пием ти, богоно́се Галактио́не:/ спаси́ моли́твами тво́ими от вся́кия тесно́ты/ чту́щих лю́бовию, досточу́дне, торже́ство твое́.

Сла́ва, и ны́не, Богоро́дичен:

Ра́дуйся, престо́ле огнезра́чный Бо́жий;/ ра́дуйся, Отрокови́це, седа́лище Ца́рское и о́дре, упещре́нно по́сланый,/ златопорфи́рный черто́же,/ молниеносная колесни́це, свети́льниче пресвѣтлый;/ ра́дуйся, Богоро́дице, дванадесятостѣнный гра́де, дверь златови́дная,/ светлопозлаще́нная трапѣзо, благоукра́шенная ски́ния;/ ра́дуйся, Невѣсто, сла́вою солнцекáплющая;/ ра́дуйся, еди́но душáм христиáнским благоле́пие.

По полиелѣи седа́лен, глас 8:

Святы́х послѣдую жити́ю, богому́дре,/ погрѣбл еси́ страсте́й воста́ние умерщвле́нием плóти/ и освяти́лся еси́ весь, боголюбе́зый, дея́нии, о́тче Галактио́не,/ жизнь безконѣчную по сме́рти прия́л еси́./ Те́мже днесь Христо́ва Це́рковь пра́зднует твою́ па́мять,/ и мы́ ты просла́вим, во́пиюще:/ не преста́й моля́ Христа́ Бо́га о почита́ющих честное́ твое́ успѣние.

Сла́ва, и ны́не: О Тебе́ радуется: *(зри страницы 706–707).*

Степѣнна, 1-й антифѣн 4-го гласа. Прокѣмен, глас 4:
Честна пред Господем// смерть преподѣбных Егѣ.
Стих: Что воздам Господеву о всех, яже воздаде ми?
Всякое дыханіе: Евангеліе от Матфея, зачало 43.

По 50-м псалмѣ стихира, глас 8:

Преподѣбне, всеблаженне отче наш Галактиѣне,/
мнѣхом похвало и постников красотѣ,/ вологодстей
странѣ хвалѣніе и славо,/ просветивый, яко звезда,
селѣніе пустынное,/ умилно молим тя, духовная чада
твоя:// Христа Бога моли о спасѣніи душ наших.

Канѣн преподѣбнаго, егѣже краегранѣсіе: Нѣвая
новому гимнодія изрядна преподѣбному Галактиѣну.
Глас 8.

Песнь 1

Ирмос: Вѣду прошѣд:

Несозданнаго Трипостаснаго Божества Ангеле,/
Невечерняго Свѣта сѣне и человеце воистину Бѣжий,/
песнь тебѣ плетущу предстани о мнѣ, преподѣбный,/ да
скончав ю, возблагодуществую,/ поя побѣдную песнь
Господу, яко прославися.

Отцѣм похвало, священнодушне, радуйся, сосуде
Бѣжий воистину,/ радуйся, свѣтлый постнических
добродѣтелей бѣсере,/ с Небесными умѣ присно пред-
стоя Христу/ и поя побѣдную песнь, яко прославися.

Вседержитель Господь Сил, Емуже последовал еси
непорѣчным житіем твоим,/ во освященіе тебѣ бысть,
чудне Галактиѣне,/ Егѣже любовь угаси в тебѣ любовь
отѣчества твоего,/ желательно бо оставил е, поя Христу,
яко прославися.

Богородичен: Язык кий возмѣжет божественныя
Твоея хвалы по достоинству величїе воспѣти, Богород-
ительнице,/ Тебѣ бо ради человеческое естество,
страстьми погружаемое, вообразися./ Тѣмже, Тобѣю спа-
сенїи, песнь Тебѣ поѣм, Владычице, яко прославися.

Песнь 3

Ирмос: Небеснаго круга:

Незавѣстно всем даѣши исцелѣніе и благоухаѣши
богато,/ души же от бесѣвских наветов избавляѣши/
молїтвами твоими, преподѣбне.

Отроча ещё сый, вѣтхаго извлѣклся еси чловека и красот мирских, / вперился еси в вѣчную жизнь, / победив тричастное души совершенным, досточудне, безстрастием, / в немже утвердися дух твой.

Болю творя Божию, Того Отца себе имел еси, Галактионе преподобне, / мать же умиление, память исхода яко сожительницу, / тем и пустыню достигл еси, щитом смирения отвращая мира славу, / Христу подражая, в Немже утвердися дух твой.

Богородичен: Маріе, Благословенная Дѣво, Всепречистая Мати Божия, / Препрославленная Владычице Ангелов и чловеков преблагое прибежище, / простри державную Твою десницу, и преподобнаго Галактиона молитвами благослові ны, / и сохрани поклоняющия Тебе, да утвердятся дух наш.

Седален, глас 3:

Уединенно место обрет, водворение имел еси, преподобне отче, / безмолвием Богу беседуя и всякая свойства отсекая, яко премудрый, / велие умиление пустыннаго пребыванія стяжал еси и в напастех непреклонен был еси. / Темже и граду нашему Вологде, грех ради наших озлобленну нашествием бывшу, / попечением спомоществовал еси / и откровенное тебе Богом правителю вологодскому безкрытно явити попеклся еси, / он же, вознесен бугордаго своего сердца надмением, / небрежен бысть словесем твоего пророчества, / за еже воздаде ему Господь и сущим с ним, пленившим его. / Христа моли, Галактионе досточудне, о почитающих любовию честное успение твое.

Слава, и ныне, Богородичен:

Устрашися всякое земнородных слышание: / от недр Отеческих во утробу вселися Девичу, / Егоже убо пророчи провозвестиша из Тебе воплощеннаго быти Сына Божия, / Мати Дѣво Всепетая, Егоже моли спасти стадо Твое, Богородице.

Песнь 4

Ирмос: Услышах, Господи:

Ум владыку на страсти плотския, богоносе Галактионе, поставль / и нескверно еже по образу соблюд, / изрядно на еже по подобию востекл еси, / отнюдуже,

яко Адам прѣжде преступлѣния, невинностию сияя,/ зовый Вседержителю:/ слава силе Твоей, Господи.

Моисѣйски кротостию блистая, пречудне,/ и, якоже елень, желанием еже ко Христу обдержимь, безстрастия достигл еси,/ о граде нашем благопопечения исполняяся,/ зовущи Дателю благих:/ слава силе Твоей, Господи.

Ангельское житие препровождая неленостно,/ в бывшей граду Вологде напасти беспокойно ходив, проповедуя,/ темже покой духовный при реце Содиме обрел еси, блаженне,/ молитвою, постом и смирением от Света просвещаемь,/ радостно Богу взывая:/ слава силе Твоей, Господи.

Богородичен: Адамово, Дево Пречистая, обожися смешение,/ Собезначальное бо Отцу Слово сый и Духу от Тебе, Всенепорочная, родитися благоволи./ Темже к Тебе прибегаем, не остави милость Твою от нас, верно вопиющих:/ слава силе Твоей, Господи.

Песнь 5

Ирмос: *Просвети нас:*

Речная устремления чудес твоих, отче преподобне,/ веселия исполняют град Вологду и окрестная его,/ и вси спешат, еже о Господе, к твоему хвалению.

Вологодския и Содима быстрины о тебе веселятся,/ зане державный град Москва прослави тя, светла светильника,/ темже и град Вологда, играя, торжествует о твоём хвалении.

Вологодскую страну присно чудесы обогащаеши, богоносе Галактионе,/ ейже по Божией, данной тебе, благодати милостивый предстатель являешия,/ веселящейся о твоём хвалении.

Богородичен: Мати Божия, пречистая колеснице Света Присносущнаго,/ Галактионовым предстательством спаси ны, рабы Твоя,/ утренюющая к Твоему, Владычице, хвалению.

Песнь 6

Ирмос: *Молитву пролию:*

Тайнника и учителя Присносущное Слово и просвещение, прехвальне отче Галактионе, имев,/ от младенчества и до кончины сосуд чистый святыни быв,/ немолчно взывал еси:/ Господи, спаси мя.

Облечён был во Христа, целомудрия и безстрастия Дателя и Помощника, / зельнаго постничества и трудов не изменил еси / и, на гору добродетелей возшед, в неизреченный светозарения свет пришел еси, / егоже ради взывал еси: / Господи, спаси мя.

Добродетелей множеством украсился, / на няже, яко на колесницу, неленостными ногами возшед, отче славне, / возлетел еси на Небо, мертвенное прикровение, яко сапог, разреши и Богу представ, / Емуже воспел еси: / Господи, спаси мя.

Богородичен: Ангел был, преподобне, Всепречистыя Вседержителя Родительницы, / Многомилостивыя христиан Предстательницы, / возвестил еси грядущий гнев граду Вологде, со умилением взывая: / Владычице, спаси ны.

Кондак, глас 4:

Благочестно на земли пожив, / мучения венец приял еси, пречестне, / деревом во главу от нашедших градоразорителей убиен, / яко добрый ученик Спаса Христа, / оставивый отечественный свой град и други / и странствовать любви ради Христовы евангельски изволивый. / Сего ради ты почитаем, песнями вопиюще: / от бед избави нас присно молитвами твоими, // угодниче Божий Галактионе, отче наш.

Икос:

Яко светозарная луча, вселенней свет возвещая, всеумдре отче Галактионе, / озарил еси Вологодскую страну чудесы твоими, имиже ты Христос обогатил. / Тем вопием ти: радуйся, отче наш предобрый; / радуйся, постничающих сословие; радуйся, лику святых сочетание; / радуйся, преподобных удобрение, отцем похваление; / радуйся, крестоносное по гласу Господа твоего последование; / радуйся, яко искренне верующим на сопротивныя победы у Христа испрошаеши; / радуйся, яко град наш невредим от найтия сохраняеши; / радуйся, яко у Престола Вседержителя Бога со Ангелы ликуеши; / радуйся, яко усердно Того за ны умоляеши. / Мы же ты почитаем, вопиюще: / от бед избави нас молитвами твоими, / угодниче Божий Галактионе, отче наш.

Песнь 7

Ирмос: *От Иудеи дошедше:*

Исткáнную от Вѣшняго благодáти, совлечѣнием внѣшняго челоуѣка, во одѣжду облѣкся еси, богоносе Галактионе, / и, яко красен грозд мысленнаго винограда, / вино нам безчисленных чудес изливаеши, Прославившему тя поющим: / благословен еси, Бóже отец наших.

На земли сый, Христово был еси благоухание, / тем по отшествии твоём Небесная благоухания подаеши, / и чудес твоих преславных град и веси, целѣбныя сладости требующии, исполнишася, / Господеву зовуще: / благословен еси, Бóже отец наших.

Радостно честное твоё празднество днесь и преславную твою, всеблаженне, память торжествующе, / познанием ты молитвенника и врача предобраго и защитителя твёрдаго мнѣхом, / и Господеву поём: / благословен еси, Бóже отец наших.

Богородичен: Досто́должно днесь и присно еди́ну святых Пречестную Богоблагодатную Присноде́ву, / сподобльшуся за превосходящую святость родити Еди́наго от Троицы и безсмертну бѣвшу, / вознесшуюся превѣше Небес и покланяемую от всех святых Ангел, / яко Царицу всея твѣри, вѣрнии, вопиюще, молим, / да сподобит ны милости Рождшагося из Нея́ Бóга отец наших.

Песнь 8

Ирмос: *Седмерицею пещь:*

Вологодская страна́ днесь память твою́ празднуют, / славы твоея наслаждающеся, преподобне, / согражданина ты себе́ суща молят прилежно, / да не отступиши, сохраняя твоё достояние, / моля о них, творении́ Господа.

Обители горних достиг, / приблизитися многочестнейшему и высочайшему Свету и разума просвещению сподоблься, преподобне, / не забуди поклоняющихся твоей светлой памяти / и убогое стадо милостивно посещай, / благословящее творение́ Господа.

Троицен: Ликостояния ангельская Ты, Троице равнославимая, Отче и Сыне и Душе, / Безначальная, Несозданная, Начальственная и Царственная, Пресовершенная, Единосущная, / присно славят немолчными усты, / с нимиже и мы, брѣннии, со страхом Ты, Трисолнечнаго Света, / благословим, творение́ Господа.

Богорóдичен: Ангела немíлостива чаю по моему злóбному житию приити, / не ущедряюща, ниже щадяща мя в страшний час смёртный, / тогда к кому, сквёрный аз, прибегну, то́кмо к Тебе, Цари́це Богорóдице, / грéшных покрóву и упováнию и скóрому скóрбных утешéнию, / Тебе бо ни е́дино же невозмóжно, то́кмо е́же хотети, / я́ко Ма́тери Го́спода.

Песнь 9

Ирмо́с: Ужасéся о сем:

Свётлый мýдрости духо́вный до́ме, пусты́нная красото́ молча́ния, / селéние вéдения, б́дущих сказа́телю, / óтче преподо́бне Галактиóне, / не преста́й моли́твами тво́ими сохра́нати тя велича́ющия.

Вели́ку к тебе́, преподо́бне, Волого́дская страна́ иму́щи ве́ру, / крила́та ты воздухохо́дна помо́щника весть, / цельбоно́сную твою́ па́мять почита́ющи и припа́дающи, прóсит: / не преста́й моли́твами тво́ими сохра́нати тя велича́ющия.

Очи мой просвети́, блаже́нне и всечестне óтче, / да свет пока́яния до́бре созерца́ю / и обря́щу ми́лость Стра́шнаго Судии́ в грóзный час суда́, / ты бо еси́ слепы́х просвети́тель, немы́х я́снорéчие, и вся́ких недúгов врач, и прибéжище скорб́ящих, / тем ты, Христо́ва уго́дника, велича́ем.

Богорóдичен: Уми́ления стру́й пода́ждь ми, Де́во Пречи́стая, е́дина Богоблагодáтная Влады́чице, / да отмы́ю вся сёрдца моего́ сквёрны, / Ты бо еси́ па́дающих исправлéние и безнаде́жных наде́ждо, / вино́вная вéчныя ра́дости и и́стиннаго весéлия, / впáдша мя в про́пасть грехá воскреси́, я́ко Ма́ти сладча́йшаго Воскресéния / и Спасéния Тя при́сно велича́ющих.

Свети́лен:

Возсия́л еси́ всему́ миру́ сия́тельными чудесы́ тво́ими, Галактиóне светоно́сче, / звездó Цёркве принося́ющая, обурева́емых т́хое пристáнище, исцелéний сокро́вище, / тёмже ты град Во́логда неусы́пна имéет храни́теля.

Сла́ва, и ны́не, Богорóдичен:

От нерукотворéнных пелéн Небéсных óблак в смире́нныя пелены́ тлénныя / Óтчее Сло́во неизречéнно из Де́вы без семене́ роди́ся, / Ю́же, Чистую́ Ма́терь,

Преслáвную Богорóдицу,/ непрестáнно поём и славослóвим во вéки векóв. Амíнь.

На хвалíteх стихíры, глас 8:

Отче богомúдре Галактиóне,/ в мéру похвалы преподóбных достíгл есí смиренномúдря ráди,/ бесóв сокрушíл есí слéзными тóки/ и пóстническими во окóвах труды./ Христú прилéжно моли́ся, преподóбне,/ испроси́ правослáвным христиáном// на сопротивных побéды.

Отче преподóбне Галактиóне,/ единоревнítелю мнíхом,/ бýвшу úбо гнéву Бóжию на лю́ди,/ тогда́ град пленíша/ и ча́да тво́я, я́ко клáсы, мечí пожа́ша,/ моли́твами же тво́ими/ к Невечéрнему Свéту тех послáл есí,/ Христа́ Бóга прилéжно моли́/ и ны́не избáвитися нам от нашéствия// и даровáтися вéлией мýлости.

Вы́шних вéчная взыска́л есí,/ до́льняя же я́ко мимоше́дшая вмени́л есí/ и та́ко изя́щен моли́твенник показáлся есí,/ егда́ úбо гра́ду нáшему бысть нашéствие иноплемéнников,/ тогда́ проречéнием тво́им/ мнóгим пóльзу сотвори́л есí,/ и ны́не нам пáче от Христа́ Бóга/ мýлость испроси́, óтче преподóбне,/ я́ко да любóвию, в пáмять твою́ соше́дшеся,// ты почита́ем.

Слáва, глас 6:

Псалóмски пéснями днесь почтíм преподóбнаго/ с весéлием о Гóсподе и пáки рцем:/ ráдуйся, óтче наш преподóбне Галактиóне,/ ráйскаго ráдования напóлнивыйся,/ от Христа́ Бóга нетлéнен венéц прия́л есí/ и, я́ко пресвётлый светíльник,/ дýшу твою́ просветíл есí./ И ны́не та́ко пéснями вси возопи́ем:// ráдуйся, преподóбне óтче наш.

И ны́не, Богорóдичен, глас тойже.

Славослóвие велíкое. И отпу́ст.

НА ЛИТУРГИИ

Блажénны, пéсни 3-я и 6-я. Прокíмен, глас 7: Честна́ пред Гóсподем// смерть преподóбных Егó. Стих: Что возда́м Гóсподеви о всех, я́же возда́де ми? Апóстол к Галáтом, зачáло 213. Аллилу́ия, глас 6: Блажén муж, бой́ся Гóспода: Евáнгелие от Луки, зачáло 24. Прича́стен: В пáмять вéчную:

Аще настоя́тель благоволи́т, по вéре и прошéнию когó, молéбен соверша́ти Пречíстей Богомáтери и угóднику Бóжию с освящéнием воды, твори́м молéбен и освящéние воды́ по обы́чаю.

**Егда же певáема стихира, глас 4: Источник исцелений:
таже: Слава, глас тойже:**

Свѣтлую твою содевает блаженную память Владыка Христос, / исполняя твою, яже к Немю, моления, / богоносе Галактионе, / се бо вода, юже труды твоими / от земных недр произвел еси, / всем является жива и скачущая, / и сладость дивну, и исцеление недугов, / и дар освящения, и благословение Иорданово носяща, / различным скорбем изменение, и душам очищение, / и бесовским кознем разрушение содевает Божественным мановением. / Но, о преподобне отче, / не престай и ныне назирати ю / и с высоты благословение Святыя Троицы / и благодать Пречистыя Приснодевы Богородицы / на ню низпосылати молитвами твоими // ко спасению душ наших.

И ныне: Призри на моление:

И Владычице, прими молитвы: Также кропление и ектенія и молитва: Владыко Многомилостиве:

Молитва

Преподобне отче наш Галактионе, светильниче стран нашей, подвигоположников удобрение, Воблогды града заступниче теплый и неусыпный, за ны, грешныя, ко Семимлостивому Богу нашему, Иисусу Христу, и ко Святей Пречистой Матери Его, Владычице нашей Богородице, Приснодеве Марии, молитвенниче! Молим твою честную святыню мы, недостойнии рабы твои, зряще на святочудотворный образ твой, духовными взоры стояще во ограде селения твоего, не забуди нас, сирых, но, яко отец чадолюбивый, посети духом душ наших немощь и испроси молитвами твоими у Христа Бога нашего, да освятит души наша, и ум наш просветит, и вразумит, и совести наша от всякия скверны очистит, и от нечистых помышлений, и вредных разумений, и губительнаго уныния, и избавит нас от бесовских наветов и дневных и ночных озлоблений, и дарует нам искреннее покаяние, сердцу сокрушение, слезы и умиление, воздержание и трезвость, смиренномудрие и кротость, чистоту душевную и телесную, нищелюбие же и страннолюбие, и друг ко другу нелицемерную любовь, и милосердие, и всякое благоволение. О всеблаженне отче наш Галактионе, сподоби ны

послѣдовати по силѣ путі спасенія, яко да твоими молитвами Препоблагій Христос, Бог наш, покажет нам, грѣшным, благодать и милость Свою, и всяких зол и будущаго мученія нас свободит, и сподобит наследником бѣти Царствія Своего Небеснаго, славящих Его и величающих купно со Безначальным Его Отцем и Пресвятым и Благим и Животворящим Его Духом, ныне и присно, и во веки веков. **Аминь.**

Преподобномученик Галактион (в миру Гавриил) родился в Москве около 1535 года. Происходил он из княжеского рода Бельских.

Скрывая благородное происхождение, святой поселился в Вологде, занимаясь сапожным ремеслом. Овдовев, он тайно принял постриг и поселился неподалеку от Вологды, на реке Содиме. Подвижник устроил себе келлию вблизи храма Святой Троицы.

По совету преподобного Иринарха, затворника Ростовского (память 13 января), преподобный Галактион наложил на себя тяжкий подвиг: затворничество в оковах, ношение железных вериг, строгое постничество и молитву.

Еще при жизни подвижник почитался святым. Он предсказал нашествие на Вологодскую землю польско-литовских захватчиков, от рук которых принял смерть 24 сентября 1612 года.



**В
ТОЙЖЕ
ДЕНЬ**

**Зна́мение, бывшее от иконы
Пресвятыя Владычицы нашея Богородицы,
во граде Псковѣ, иже над Мирожью рекою,
во обители Святаго Спаса**

НА ВЕЛИЦЕЙ ВЕЧЕРНИ

Блажен муж: 1-й антифон.

На Господи, возвах: стихиры на 8, глас 1.

Подобен: Прехвальнии мученицы:

Палата одушевленная Христови едина бысть, / честная бо Твоя икона в церкви Божии представлена, / от неяже знамение ужасно видевше, умильно вопием

Ти:/ бѹди, Владѣчице, вѣрным держава и стена необорима/ и град Твой, Богомати, спаси, воспевающий державу Твою./ Храм Святыя Троицы Единосущныя,/ Твою, Владѣчице, чудотворную икону имѣя в себѣ,/ всегда освящает вся верою притекающия,/ темже Тя по долгу ублажаем, всем вѣну упование,// душам нашим твердый покров и державу.

Глас 4:

Град, почитающий Тя/ и по долгу славящий,/ ограждаеши, Всепетая,/ от безбожных, Чистая, иноплеменик,/ от глады же, и труса, и напрасныя смерти,/ и междоусобныя брани всегда,/ Дево Неискусобрачная,/ сего ради славим Тя, Пречистая Богоневесто,// человеком Помощнице.

Икону зрака Твоего,/ Пречистая Богоблагодатная Владѣчице,/ даровала еси граду Твоему/ богатство неотъемлемо,/ покров же, и славу, и необоримую стену,/ исцелений сокровище,/ чудес источник присно текущ,/ пристанище же спасенное обуреваемым всегда,// сего ради поем Тя, Препетая Чистая.

Почерпите, человецы,/ спасение душам и здравие телесем,/ река бо всем предлежит,/ образ Приснодевы,/ источающи нам чудес струи,/ омывающи сердцам омрачения,/ страсти прогоняющи// и души освящающи благодатию Божественною.

Доброту ты Иаковлю/ и лѣствицу Небесную вѣмы,/ по нейже сниде Господь на землю,/ техже тогда образи Твою честь и славу, Богородице, проявляху:/ Ты бо родила еси Бога всех,/ Тя блажат Небеснии Ангели и земнии человецы,/ яко за весь мир молишися/ и покрываеши милостию// иже Твой честный совершающих знамения праздник.

Слава, и ныне, глас 8:

Ужаснушася разумная вся чиновачалия,/ духовно совокупльше лик,/ и недоумеваяхуся с нами и дуси праведных сущии,/ зрителие бывше видению преужасному/ и знамению предивному,/ видяще образ Царицы всех,/ от негоже из очию слезы течяху,/ и Свой пречистей длани простерши к Родшшемуся из Нея,/ возвратити гнев, подвизающийся на ны,/ и просящи

миру умирения, / и державам утверждения, / и Божиим церквам благостояния, // и спасения душам нашим.

Вход. Прокимен дне. И чтения Богородичная (зри страницы 233–234).

На литии стихиры, глас 6:

Златая кадильнице, / ручко и жезле, / светильниче златозарный / и свитче Божественный, / в немже перстом Божиим / Слово написася, // Тебе величаем.

Даруй нам, Богородице, / помощь от печали, на Тя надеющимся, / верным прибежище, / избавляй от бед рабы Твоя, Девице, // к Тебе бо по Бозе упование вси возлагаем.

Владычице, Мати Избавителя, / прими моление раб Твоих, / аще и недостойне молящих Ти ся, / да молиши за ны / к рождемуся из Тебе Владыце миру, // Ты буди нам Избавительница.

Яже радость от Ангела приемшая / и рождши Зиждителя Твоего, // Дево, спаси Тебе величающих.

Владычице, прими молитву раб Твоих / и избави нас // от всякия нужды и печали.

Слава, и ныне, глас 8:

Что убо, мужие богохранимаго града Пскова, / видевше предивное знамение / от Твоего пречистаго образа, Пресвятая Владычице, / слезы от пречистую очию, и ужасшеся, / усретше со священным чином, / трепетни со слезами сице глаголаху: / не презри, Владычице, воздыхания раб Твоих, / и не отрини молений наших вконец, / но моли о нас Сына Твоего и Бога нашего, / и милостива и человеколюбива Того нам покажи, / избавитися нам праведнаго Его прещения, // Ты бо еси, Пречистая, заступление душам нашим.

На стиховне стихиры, глас 2.

Подобен: Доме Евфрафов:

Слава на Небеси / и на земли торжество, / яко Богородица / со святыми всеми // за вся ны к Сыну Своему молится.

Стих: Слыши, Дщи, и виждь, // и приклони ухо Твое.

Приидите, вернии, / во святую сию церковь, / где бо Богородица / Своею милостию покрывает люди // от всяких напастей вражиих.

Стих: Лицú Твоему// помóлятся богáтии лю́дстии.

Пречíстая Богорóдице,/ не забúди нас,/ Твои́х рабóв,/ но за ны помолíся,// véрою пою́щих Тя.

Слáва, и ны́не, глас 8:

Дал еси́ зна́мение животвóрное/ от о́браза Пречíстыя Твоея́ Мáтере, Сло́ве,/ егóже зря́ще, любéзно облобыза́ем,/ и, от Сея́ рáдости испóлнившеся,/ стра́шны врагóм и борю́щим с нáми явля́емся,/ и, та́инство Премúдрости Бóжия уви́девше,/ хва́лим пáче сло́ва Рóждшую Тя,/ Иису́се, чудéсная Добрóто,// спаси́ всех нас, я́ко Милосéрд.

Тропа́рь, глас 4:

Я́ко звезда́ пресвётлая/ возсия́ в Росси́йстей земл́и:/ от ико́ны честна́го о́браза Твоего́, Богорóдице Дéво,/ из обою́ о́чию текóша слéзы Твоя́, я́ко река́,/ и ви́девше наро́ди псков́стии, мýжи и жены́ и соча́ды,/ с пла́чем моля́щися о́бразу Твоему́, си́це глаго́лаху:/ о Пресвята́я Влады́чице Богорóдице,/ не забúди грéшных раб Твои́х,// моля́щися Христу́ Бо́гу нáшему спасти́ся нам.

НА УТРЕНИ

На Бог Господь: тропáрь трíжды.

По 1-м стихослóвию седа́лен, глас 4:

О́чи мы́сленней очíстивше,/ при́йдем, торжествую́ще свéтло, чтýще Богоотрокови́цу,/ добрóту Иáковлю и Невéсту всех Царя́, Христа́ Бо́га нáшего,/ Сия́ бо пока́зася Не́бо, и красная́ пала́та, и це́рковь одушевлéнна,/ и Сея́ си́лою сопроти́вных побежда́ем.

Слáва, и ны́не, глас то́йже.

По 2-м стихослóвию седа́лен, глас 4:

Не умолчи́м никогда́, Богорóдице,/ си́лы Твоя́ глаго́лати, недостóйнии:/ áще бо Ты не бы предсто́яла моля́щи,/ кто бы нас изба́вил от толи́ких бед,/ кто же бы сохрани́л до ны́не свобóдны?/ Не отсту́пим, Влады́чице, от Тебе́,/ Твоя́ бо рабы́ спаса́еши при́сно от вся́ких лю́тых.

Слáва, и ны́не, то́йже.

Величание:

Велича́ем Тя,/ Пресвята́я Де́во,/ богоизбра́нная
Отрокови́це,/ и чтем о́браз Твой честный,/ и́мже пока-
за́ла еси́// пречу́дное зна́мение.

И псалом избранный: Помяни, Господи, Давида:

По полиелѣи седален, глас 8.

Подобен: Вѣре Божии:

Я́же Небѣс превѣ́шшая су́щи, Херувѣм войсти́ну сла́в-
нейши,/ всея́ тва́ри честнѣ́йши, Де́во Пречѣ́стая,/ днесь
благодѣ́рственная, раби́ Твой, прино́сим о́бразу чест-
на́го подоби́я Твоего́,/ Ты бо стра́нно и предѣ́вно зна́ме-
ние показ́ала еси́ от пречѣ́стаго Твоего́ о́браза,/ те́мже
согласно́ вопи́ем Ти: Влады́чице Богоро́дице,/ моли́
Христа́ Бо́га согреше́ний оставле́ние дарова́ти нам,/
Тебе́ бо и́мамы наде́жду, раби́ Твой.

Сла́ва, и ны́не, то́йже.

Та́же степѣ́нна, 1-й антифо́н 4-го гла́са. Прокѣ́мен,
глас 4: Помяну́ и́мя Твое́// во вся́ком ро́де и ро́де. Стих:
Слы́ши, Дщи, и виждь, и приклони́ у́хо Твое́. Вся́кое
дыха́ние: Ева́нгелие от Луки́, зача́ло 4.

По 50-м псалме́ стихѣ́ра, глас 8: Что́ у́бо, му́жие:
(пи́сана на вели́цей вече́рни, сла́вник на литѣ́и).

Кано́на два Пресвяте́й Богоро́дице: 1-й кано́н со
ирмосо́м на 8, 2-й кано́н на 6.

Кано́н благодѣ́рственный Пресвяте́й Богоро́дице,
его́же краегранѣ́сие сицево́: Даждь ми сло́во, Сло́ве
Бо́жий, восхва́ли́ти Ро́ждшую Тя. Глас 6.

Песнь 1

Ирмо́с: Волно́ю морско́ю/ Скрѣ́вшаго дрѣ́вле/ гони́-
теля мучи́теля/ под землѣ́ю скрѣ́ша спасѣ́нных о́тро-
цы,/ но мы, я́ко отрокови́цы,/ Господеви по́йм,// сла́вно
бо просла́вися.

Приидѣ́те, всех вѣ́рных благоче́стивое мно́жество,
духо́вно лик совоку́пльше,/ Пречѣ́стую Ма́терь Сло́ва
пѣ́снями похва́лим,/ зря́ще от пречѣ́стаго Ея́ о́браза
зна́мение предѣ́вное показ́авшееся,/ е́же и воспой́м
боже́ственными пѣ́снями.

Якоже лѣствицу превысокую зрим Тя днесь, Дѣво Всенепорочная, / ёюже к Небѣсней высотѣ преходим, / Тя бо Предстательницу и непобѣдимое утверждѣние стяжавше, Пречистая, / навет вражиих избавляемся и спасаемся, вѣрою к Тебѣ притекающеи.

Богородичен: В рождествѣ тли не приѣмши, / тлѣния всех нас, Дѣво, измени, / печали уставляющеи, Матерним Твоим дерзновением, Богорадованная.

Ин канон, глас 8.

Песнь 1

Ирмос: Посеченный несекомага пресече, / и виде солнце землю, юже не виде; / лютаго врага вода потопи, / и непреходимое пройде Израиль, / песнь же воспевашеся: // Господеви поим, славно бо прославися.

Божественныя силы жезл преоблистая благодостию, / святым знаменем от святаго жилища, явися чудо паче естества / от образа Твоего, Пречистая.

Видеша преславное днесь знамение, / бывшее от божественнаго Твоего зрака, Мати Божия, / и еже о Тебѣ таинство проповѣдающеся, Богородице Дѣво, / издалеча зрящии Твоя чудеса.

Надежду имуще на Тя, Богородительнице, и несумненну вѣру, / града сего народи / Тебѣ граду забрало положиша, Дѣво Неискусобрачная.

Богородичен: Яко живу Матерь Слова видев Тя народ многочисленный, / знамение изрядно показавшу, / и обстояще Твою всечестную икону со священным собором, рuce воздѣвше к высотѣ, / моляхуся, Тебѣ призывающе на помощь.

Катавасия: Отверзу уста моя:

Песнь 3

Ирмос: Тобою, Христѣ, Небеса утверждаема вся, / Слово Божие и Сила, / исповѣдуют славу неизреченну / и вседѣтельныя руки Твоея сотворѣние, // несть бо пресвят, разве Тебѣ, Господи.

Умилосердися на стадо Твое, Пречистая, / и мир граду Твоему даруй, / сопротивных челюсти сокруши и тех немощны до конца покажи.

Общаго Пастыря и Владыку породивши, Христа, Дѣво Неискусобрачная, / Тому помолися настоящаго гнева избавитися нам / и противнаго обстояния, Владычице.

Богорóдичен: Мíлостивая, Мíлостиваго рóждши Спáса,/ виждь озлоблénие и въздыхáние людéй Твои́х:/ ускори́, Пречи́стая, ущéдрити ны.

Ин

Ирмо́с: Утверждéй в нача́ле Небеса́ рáзумом/ и зéмлю на вода́х основа́вый,/ на ка́мени мя, Христе́, заповедей Твои́х утверди́, // я́ко несть свят, па́че Тебе́, Еди́не Человеколю́бче.

Приклони́ у́хо Твое́, Благо́ая, и виждь озлоблénие на́ше и бед умноже́ние,/ к Тебе́ бо душе́внеи о́чи простира́ем, Влады́чице,/ с пла́чем колéна преклоня́ем, мо́лим Тя, вопи́юще:/ сла́ва, Богома́ти, зна́мению Твоему́.

Пою́т Тя, Богорóдице, а́нгельстии чíни и пра́зднуют проро́цы,/ патриарси со святítiли, теку́ще во святу́ю це́рковь, с ни́миже тогда́ и боголю́бви́и наро́ди,/ ви́девше Тя, Цари́це, за ны, грéшныя, к Сýну моля́щуся/ поми́ловати град и лю́ди, в нем живу́щия и сла́вящия Твоего́ пречи́стаго о́браза предивное зна́мение.

О пресла́вное зна́мение, исполнено́ у́жаса!/ Ви́девше тогда́ наро́ди от Твоея́ всечестны́я ико́ны, Богороди́тельнице, от обою́ о́чию слéзы исходя́ща,/ стра́хом одержи́ми, со слезáми си́це взывáху:/ Влады́чице, не оста́ви нас.

Богорóдичен: Зна́мения ны́не настá день,/ зна́мения ико́ны Твоея́, Дéво Богороди́тельнице,/ пра́здник свéтел соверша́юще, вопи́ем Ти:/ несть, Пречи́стая, па́че Тебе́, Богоневéсто.

Седáлен, глас 8:

Ю́же дрéвле лик проро́ческий проповéда дверь Небéсную,/ неопали́мую купину́, и свéщник многосвётлый, злату́ю кади́льницу, рúчку и жезл,/ пресла́вно днесь и дивно́ зна́мение показá./ Тёмже благодарственна́я пéния воспису́ем Ти, раби́ Твой, Богорóдице:/ моли́ Христа́ Бóга согрешéний оставлénие дарова́ти,/ Тебе́ бо íмамы наде́жду, раби́ Твой.

Сла́ва, и ны́не, то́йже.

Песнь 4

Ирмо́с: Удиви́ся Твой рáзум от мене́,/ услы́шавшу пресла́вная велéния смотре́ния Твоего́,/ укрепи́ся

же возлюблѣнием Твоего схождѣния, // Ты бо моя нищеты не отвѣрглся еси.

Почитающий Тя град, Пречистая, и по долгу блажащий, / ограждай от безбожных, Чистая, иноплемѣнник, / Ты бо тому еси, Пречистая, богатство неотъемлемо, покров же и держава.

Не может Тя слово человеческое, ни язык хвалити достойно, / от Тебе бо без семени Живодавец Бог / воплотится, Пречистая, изволи.

Богородичен: Помози, Пречистая, спастися поющим Тя / и избави от противных нашѣдшаго прещѣния, Богородительнице.

Ин

Ирмос: Ты моя крепость, Господи, / Ты моя и сила, / Ты мой Бог, Ты мое радование, / не оставль недра Отца / и нашу нищету посетив. / Тем с пророком Аввакумом зову Ти: // силе Твоей слава, Человеколюбче.

Яже Клас прозябши и возрастивши животворный, / неоранная нива, дающи миру жизнь, / Богородице, спасай поющих Тя.

Многобогатый дар и неотъемлемое сокровище дал еси граду Твоему, / икону Пречистыя Твоея Матере, Слове, / и сея помощию противных низлагай.

В божественном храме Твоем, Богорадованная, / идеже чудотворная Твоя икона поставлена бысть, во утверждение богохранимому граду нашему, / совокупльшися, Тя прославляем.

Богородичен: Собори верных и всяко состояние человеческое веселятся, / совокупльшися в честном храме Твоем, / зряще в нем, якоже пресветлое солнце, образ Пречистыя Твоея Матере, Слове.

Песнь 5

Ирмос: Союзом любви свяжем, апостоли, / владычествующему всеми себе Христу возложше, / красны ноги очищашу, // благовествующе всем мир.

Теплая Заступнице к Тебе прибегающим и ненадеющимся надеждо, / виждь озлобления людей Твоих / и подаждь Твою помощь, Пречистая.

Яже Огонь рождающая Божественный, / противных, Дево Пречистая, молитвы Твоея огнем попали, / яко сущи Мати Зиждителя, Всепетая.

Богорóдичен: Чíстая Богоневéсто,/ недоумéнная лю́ди ущéдри Мáтерними Тво́ими моли́твами/ и е́же на ны сопроти́вных обстоя́ние претвори́ вско́ре моли́твами Тво́ими.

Ин

Ирмо́с: *Вску́ю мя отрину́л еси́/ от лица́ Твоего́, Свѣте незаходи́мый,/ и покры́ла мя естѣ чужда́я тьма, окаяннаго,/ но обрати́ мя и к свѣту за́поведей Твои́х// пути́ моя́ напра́ви, молю́ся.*

Вели́кий преднапису́ет Тя во проро́цех Моисе́й/ ковче́г, и трапéзу, и свѣщник, и рúчку,/ о́бразно явля́я воплоще́ние е́же от Тебе́ Вы́шняго, Мáти Дéво.

Я́ко щито́м, огражда́еми непобеди́мою Твое́ю си́лою, Дéво,/ сопроти́вных побежда́ем неизрече́нное мно́жество, Всепéтая.

Богорóдичен: Ты бога́тство неисто́щимое, исцелéний исто́чник/ véрою прибега́ющим к хра́му Твоему́,/ иде́же пребыва́ет честный о́браз Твой, Влады́чице.

Песнь 6

Ирмо́с: *Ят бысть,/ но не удержáн в пёрсех китовых Ио́на,/ Твой бо о́браз нося́,/ страда́вшего и погребéнию да́вшегося,/ я́ко от черто́га, от зве́ря изы́де./ Приглаша́ше же кустоди́и:/ храня́щии сýетная и ло́жная,// ми́лость сию́ оста́вили естé.*

Изба́ви нас язы́ческаго нашéствия и град Твой, Всепéтая,/ и не преда́ждь до конца́ поги́бнути насле́дию Твоему́, Пречи́стая,/ но си́лою Ро́ждшагося из Тебе́, Влады́чице, проти́вных низложи́.

Многосогрéшших к Тебе́ не прэзри, но прими́ мольбу́ Мáтере Твоея́ о нас, Щéдре,/ да не похва́лятся сопроти́внии: где естѣ Бог их? глаго́люще,/ но да разумéют вси, я́ко Ты, Изба́витель, с на́ми еси́.

Богорóдичен: Ны́не по́мощи при́иде вре́мя, ны́не премене́нию потре́ба, Чíстая,/ к Сы́ну Твоему́ и Бо́гу моли́ся,/ я́ко да ущéдрит согрешивших нас и нале́жащаго гнéва изба́вит.

Ин

Ирмо́с: *Моли́тву проли́ю ко Го́споду/ и Тому́ возведу́ печа́ли моя́,/ я́ко зол душа́ моя́ испо́лнится/ и живо́т*

мой аду приближися,/ и молюся, яко Ибна:// от тли, Бóже, возведи мя.

Псалмы Тя воспеваем, Обрадованная,/ и немолчно Ти, еже радуися, вопием,/ Ты бо источила еси всем радость.

Знамение страшно и вещь преславну от Твоея иконы, Владычице,/ днесь празднующе, людие Твой, Богородице,/ похвальная, яко достойно похвалы, приносим Ти, глаголюще:/ радуися, Обрадованная.

Богородичен: Честную икону Твою радостным сердцем и душею/ облобызаем, веселящися,/ и, теплою верою прикасающися, исцеление почерпаем.

Кондак, глас 7:

Заступнице христианом непостыдная/ и Предстательнице граду нашему Пскову,/ не презри моления нас, грешных,/ видящих от Твоего честнаго образа слезы текуща из обою очию/ и молящихся прилежно,/ но предвари, яко Благая, на помощь нам, верно к Тебе прибегающим,/ услыши наша моления, Богородице,/ и избави нас от нахождения поганых,/ ускори же на молитву нашу и потщися на умоление,/ заступающи присно, Богородице, чтущих Тя:/ радуися, Дéво, христианом похвало.

Икос:

Разреши тьму моих прегрешений, во уме моем лежащую,/ и Твоим мя светом просвети, Дéво, яко да возмогу Тебе похвалу принести,/ Юже Отец восхвали, и Дух Святой осени, Сын же и Слово Божие вселися/ и, нетленно от пречистою Твоею боку прошед, с человеки поживе,/ темже грешнии мы и недостойнии раби Твой, днесь совершающе священное торжество,/ знамение бывшее честныя иконы Твоея, имже предивное чудо показала еси,/ и Твоему чудеси удивльшися, Твоих богатных дарований исполнившися,/ вместо благовонных аромат, елико возможно нам, земным, похвальная приносим Тебе, глаголюще:/ радуися, покрове и надеждо граду Твоему;/ радуися, яко противных силою Твоею низлагаем;/ радуися, Разумнаго Солнца Мати, верных просвещающи, неверных же помрачающи;/ радуися, Дéво, христианом похвало.

Песнь 7

Ирмос: *Неизреченное чудо:/ в пещи Избавивый преподобныя отроки из пламене/ во Гробе мертв, бездыханен полагается/ во спасение нас, поющих:/ Избавителю Боже, // благословен еси.*

Воистину сокровище честное граду Твоему икона Твоя даровася, Пречистая, / юже сами зряще, чудеси удивляемся и Сыну Твоему вопиём: / благословен Бог отец наших.

Якоже иногда ниневитяны покаяния ради пощади еси, Слово Божий, проповедию Ионы пророка, / такожде и zde показав образом Пречистой Твоей Матере, Христэ, вопиющим: / благословен Бог отец наших.

Богородичен: Храм Ты Божий, Владычице, ведуще, / во святом храме Твоем рече нечистей движем на молитву: / виждь озлобление наше и подаждь Твою помощь, Богородице.

Ин

Ирмос: *Божия снисхождения/ огонь устыдеса в Вавилоне иногда, / сего ради отроки в пещи, радованною ногою, / яко во цветнице, ликующе, пояху: // благословен еси, Боже отец наших.*

Виждь, Пречистая, озлобление раб Твоих, и не отрини в конец, / Твое бо есмы достойные и Твоею надеждою крепимся, / да вси вопиём Ти: радуйся, Обрадованная.

Светоносная благодать и исцеление дадеса граду Твоему, / образ Твой, Пречистая, / егоже любезно обლობяюще, величаем.

Богородичен: Незаходимаго Света свеща, Божественнаго Сияния явися свещник, / златосияяй и мир озаряяй зарею чистаго девства, / поющая Ты спасаеши, Благословенная, Яже Бога плотию рождши.

Песнь 8

Ирмос: *Ужаснися, бойся, Небо, / и да подвижатся основания земли: / се бо в мертвецех вменяется в вышних Живый / и во Гроб мал странноприимлется. / Егоже, отроки, благословите, / священницы, воспойте, // людие, превозносите во вся веки.*

Собезначальнаго Слова Отцу, Дево Пречистая, нетленно родила еси, / Того моли, Богородительнице, от сопротивных напастей спастися поющим: / дети,

благословіте, священницы, пойте и превозносите Его во веки.

Егоже проповедаша на Престоле превысоце Исаия,/ Сего в ложеснах, Дево, вместила еси и нетленно породила еси,/ Того моли спастися граду Твоему, поюще:/ дети, благословіте, священницы, пойте и превозносите Его во веки.

Богородичен: Еди́на су́ща Благая, Преплагаго Слова умоли прилежно,/ настоящего гнева граду Твоему избавитися, несумненною верою Сыну Твоему зовущим:/ дети, благословіте, священницы, пойте и превозносите Его во веки.

Ин

Ирмос: *Седмерицею пещь/ халдейский мучитель/ богочестивым неистовно разжже,/ силою же лучшею спасены сия видеи,/ Творцу и Избавителю вопияше:/ отроцы, благословіте,/ священницы, воспойте, // людие, превозносите во вся веки.*

Сопротивных разжженных пламенвидных на нас угаси стрелы,/ яко да Тя поем, Чистая, во веки.

Паче естества Содетеля и Спаса, Бога Слова родила еси, Дево,/ темже Тя поем, Чистая, во веки.

Яко нетленное зеркало имея град Твой икону Твою, Пречистая,/ сопротивляющихся низлагаем и Сыну Твоему вопием:/ благословіте, вся дела Господня, Господа.

Богородичен: Что Ти принесем, Пречистая, от всей твари славимей?/ Недоумеемся, Владычице, точно еже Гавриил научи:/ радуйся, Обрадованная.

Песнь 9

Ирмос: *Странствия Владычня/ и безсмертных трапезы/ на горнем месте высокими умы,/ вернии, приидите, насладимся,/ возшедша Слова, от Слова научившися, // Егоже величаем.*

Оком милосердным Твоим свыше призри на град и люди Твоя, Пречистая,/ инья бо помощи не имамы, токмо Тебе, Всенепорочная,/ да Тя вси, яко Матерь Божию, непрестанно величаем.

Еди́на рождши Слово воплощено, Дево Всепетая,/ приснотекущий источник исцелений изливаеши/ верою притекающим ко храму Твоему, Пречистая.

Богородичен: Рабѣ Твоѣ, вопиѣм Ти, Пречѣстая Мати Божія: / обычныя мѣлости Твоѣ на град и люди мѣлостивно покажи, / сопротивныхъ обстояній насъ измени, да Тя вси непрестанно величаемъ.

Ин

Ирмосъ: Ужасѣся о семъ Небо, / и земли удивишася концы, / яко Богъ явися человекомъ плотски / и чрево Твоѣ бысть пространнейшее Небесъ. / Темъ Тя, Богородицу, // Ангеловъ и человекъ чиновачалия величаютъ.

Се время благоприятно и день спасения, / знамение иконы Твоея, Пречѣстая, / еже празднующе светло, духовно торжество совершаемъ.

Божественною светлостію озаряему / зримъ днесь, Пречѣстая, икону Твою честную, / ейже кланяющася, Тя величаемъ.

Мысли очистиши, празднлюбнаго града Пскова собори священныхъ ликовъ / и всехъ верныхъ благочестивое множество, восхвалите Матерь Слова, / еже отъ Тоѣ образа бывшее предивное знамение, / емуже со страхомъ кланяющася, величаемъ.

Богородичен: Дѣвства Твоего знамение невредимо сохранѣ Слово Божіе, изъ Тебѣ прошѣдъ, / сохранити и градъ Твоѣ молимся неразоримъ, / Дѣво Всепѣтая, да Тя непрестанно величаемъ.

Светѣлен.

Подобенъ: Жены, услышите:

Вожделевъ Твоей доброте, Пречѣстая, въ Тя вселися / и Тя Заступницу граду Твоему Слово Божіе дарова, / егоже сохраняй заступлениемъ Твоимъ присно, / яко да Тя ублажаемъ, Пренепорочная Отроковице.

Слава, и ныне, тойже.

На хвалитехъ стихирѣ Богородице, гласъ 4. Самогласны:

Се храмъ пресветелъ / и мѣсто священія, / идеже честная икона Матере Божія Слова, / приступите, человецы, и исцеление почерпите, / яко спасение Тоѣ ради даровася // роду человеческому.

Что Ты, Богородительнице, нареку? / Церковь Божественную, вертоградъ едемскій именую, / и Ноев, Чѣстая,

ковчѣг, спасающий нас, / царское священіе и всесвят язык, / Христа Бога нашего собор, / Моисѣову же кивоту уподоблю Тя, / ещё же очистилище, и жезл прозябший нареку, / свѣщник, и ручку, и кадильницу всезлатую, / к Тебѣ бо прибѣгает всяк верный // и испрошает велию милость.

Яже ненадежным упование известно, / согрешающим спасение, / Маріе Всепетая, Чистая Богородительнице, / прими моление наше, / и испроси разрешение, / яже согрешихом в житий, / Матерними Твоими молитвами / спаси от бед и будущаго суда, Владычице, // великия ради Твоея милости.

Радуйся, непостыдная Предстательнице; / радуйся, Преблагая Богородице; / радуйся, очистилище миру; / радуйся, радости скорбящим и пристанище обуреваемым; / радуйся, Яже всем помогающи сущим в нуждах; / Ты сохрани нас, Владычице, / и всех избави скорбных, Всенепорочная, // почитающих Твое дивное знамение.

Слава, и ныне, глас 5:

Вострубим трубою песней, / преклоньшия бо свѣше, всех Царица, Мати Дева / благословенными венчавает воспевающих Ю; / людие да стекутся / и Царице да восплещут в песнях, Царя рождшей, / смертью одержимыя прежде / разрешити человеколюбно благоизволившаго; / пастыри и учителя, / добляго Пастыря Пречистую Матерь, Слова, / в честном Ея храме сошедшая, восхвалим, / свѣщник златозарный и светоносный облак, / Небес ширшую, одушевленный же ковчег, / огнезрачный Владычнй престол, / манноприемную златую стамну, / затворенную Слова дверь, / всем христианом прибежище, / песнями благогласными похваляюще, сие рцем: / палато Слова, / сподоби смиренных нас Небеснаго Царствия, // вся бо возможна ходатайству Твоему.

Славословіе великое и отпуст.

НА ЛИТУРГИИ

Блаженны от канона, песни 3-я и 6-я. Прокимен, глас 3. Песнь Богородицы: Величит душа Моя Господа, // и возрадовася дух Мой о Бозе, Спасе Моём. **Стих:** Яко призре на смирение Рабы Своея, се бо от ныне ублажат Мя вси роди. **Апостол к Филиппийцем,**

за́чалó 240. Аллилу́ия, глас 8: Слы́ши, Дщи, и виждь, и приклони́ у́хо Твоё. Ева́нгелие от Луки́, за́чалó 54. Прича́стен: Ча́шу спасе́ния прииму́, и и́мя Господне призову́.

Мирожская икона Божией Матери.

В этот день воспоминается знамение Пресвятой Богородицы, бывшее от Ее образа в Спасо-Преображенском Мирожском монастыре во Пскове. Этот монастырь основан в 1156 году при впадении реки Мирожки в реку Великую преподобным Авраамием Мирожским († 24 сентября 1158; мощи его — под спудом в Спасо-Преображенском соборе обители) и святителем Нифонтом, епископом Новгородским († 8 апреля 1156; мощи его почивают в Ближних пещерах преподобного Антония в Киеве).

Икона явилась в монастыре в 1198 году. В 1567 году в царствование Иоанна IV Грозного, во время свирепствовавшего во Пскове морового поветрия, от этой иконы, как повествует древнее сказание, «тайнство совершился Госпожи Владычицы наша Богородицы и Приснодевы Марии, честнаго Ея знамения: от пречистаго образа иконы слезы из обою́бчию, яко струя, течаху, и многа благодарения и цельбы бываху человеком от образа Матере Господни». Это был день памяти основателя монастыря, преподобного Авраамия.

Мирожская чудотворная икона написана по чину Оранты («Молящейся»). Божией Матери предостоят псковские святые: справа — благоверный князь Довмонт, во святом крещении Тимофей, Псковский († 20 мая 1299; мощи его находятся в кафедральном Троицком соборе Пскова), слева — его супруга, преподобная Марфа Псковская († 8 ноября 1300), в миру Мария Димитриевна, дочь великого князя



Димитрия, внука святого благоверного князя Александра Невского.

Царь Иоанн Васильевич увез чудотворный Мирожский образ Божией Матери из Пскова, а в монастыре осталась большая икона над царскими вратами — так называемая «Великая Панагия» из Спасо-Мирожского монастыря.

Празднование 24 сентября знамения Мирожской иконы установлено в том же 1567 году по благословению архиепископа Новгородского и Псковского Пимена. Служба была впервые издана в Минее 1666 года.

